

يَوما قَمَيا

تَحْمَلتا إِلدَ عيَذا دَكولاي قَدِيشي

مِن شولى ديلاي بِش معوجبي ونوخرايى دمَدبرانوثا
آلاهيتا حويادا حَقاني دَايْث بيني طِلاث عيتا؛ يَعني عيتا
زَكايِتا (بِشَمِيا) وعيتا معوَدَبتا (بِمَطَهَر)، وعيتا مَقْتَلانِيتا (بَأرْئا) .
وَأني طِلاث عيتاِتا خا بيِتا كوزي وَبَس. وَاذي بيِثايلي دَمَريا
بريخا ديلي پريشا بگو يالى ديه مشوبحا شَميه. وَأن ديلاي
نوخرايي وَطريدِه مِن دَأذي بيِتا؛ أَنيلاي دِقَبلاي لِكَيانايهي حوَكُم
دَألاها دِپِيشي طريدي وَگويلاي مَوِثا أَبدِينايا. وَأن ديلاي گويي
مطيلاي لِكليلا بگو طوثانوثا أَبدِينايتا وَكيَاوي مَثلا وَعونكاروثا
بدايموثا تا أَخِنوَاثايي ديلاي مَقاتوليه إِلدَ أَرئا. وَأن حَرَايي كَتَخري
عوزابيه دِكَطَأنيلاي أَخِنوَاثايي بگو مَذيتا دَشوَقانا وَكَخلي غَم
بشولا دَخَلاص دِيايي ، هَلْ هَادَخ أَي شيشلِتا دَدَهوا دِيا شيشلِتا
دحوبا وَدِصلوثا دَرِيتا بيني شَمِيا وَأرئا وَمَطَهَر كياسرالاَي بَرِياِتا
كولايهي قَمَ أَينيه دَبابِيهي شَميانا دِمبوخِشليه طالايهي خايي. وِيا
تا أَذي خزايتا آلاهيتا معوجَبتا، وِيا تا أَذ پوشاقا چَلَبِي دِبولپانا
دِايونگالِيون دَكيمِر: هَيمانوثا كولا خا حوبا يلا*

قِصتا

كود حمصلا كينوئا آلاهايتا وملبلا حمئا من هوذايي من
لا هيمانوئا ديبايهي ذبئا وبئبلا دمقصبالااي موبزلبه طالايهي
شوحا لشميه ربوئا دگباروئيه، كليلي موشى قم ماربا وآهو
مسولحا بگو صلوثا وهادخ وبوا مر قوتآ ربئا، پابشوا خزبا دألاها
شوحا لشميه بد مسامح طالبه لإواذا أو مندي دويوا قصيدا ديخ
دميريه طالبه : شووق لي دملهن نورا دحمئي بگاوايهن ودلا شك
ألاها أربليه غضب ديبه إلابهي بشواقا طالايهي حطاهي ديبايهي
بناقنجبوئا دانى شبلپبانا مليي موكاخا وحميموئا*

مَقْصَادِي

مصالوخ امد قديشيه مزمورا دمن عومقا قريلي لگببوخ يا مريا
مبدال اخوانن يالى دعيتا حسانبنا*
آوون دوشميا .. وشلامليخ مريم.. ومن عومقا قريناخ*

مَزْمُورَا:

من عومقا قريلي لگببوخ يا مريا* يا مريا شموئيه قالي*
ونئبائوخ صبئي لقالا دشبلپبتي* إن خايرت لخطبائا يا مريا* من
أبببه دكالبه ذببنا* من لگببوخ ألبه شوقانا* من سبب لشموخ
سببيري يا مريا* تكلي لمريا وسببيرا گباني لتانبببب* سببيري لماربا

مِنْ نَوْبَا دِمخوشكا وهَل نَوْبَا دِمخوشكا * شود تاكَلْ أيسرائيل
لمريا * مِنْ سَبَبْ لَغَيِبْدُ مَرِيَا أَيْلاي رَحْمِيه * وَمِنِيه أَيْلِيه خِلاص
كَبِيرا * وَأَهو كِمخالِصِ أيسرائيل مِنْ كَوِلاي حِطاهي دِيايهي *
صلوئا: يا أيشوعِ مِراجِمِ إِنْانِ *

يُوما دِترِيئ

تَخَمَلتا إِذْ دُوخرا انا دَعْنِيذِي مِهويْمِنِيه

بَرناشا لَتِيه نَصِيبِ دِباصِخِ خا زَوِنا يَرِخا بَغو آني خايي
بَطِيلِيه، مِنْ سَبَبِ طوثانوثِيه إِذْ أَرنا خَدِيْغِدِ طِلانِيثايِلا دِكاؤِرا قَلوِلا
يان خَدِيْغِدِ شَتايَا دِمايِي دَلِيْبِيه بَفِيْتِيه دَمْتَرِيه سِپواثِيه بَخِذا طِپْثا،
وَمآذِي سَبَبِ عِيْتا قَدِيْشْتا تَمَلْ مَزَمِراوا زوماري دِشوحا وِپِصخوئا،
وَأِدِيو يُوما كَمَشِمِئالانِ عَدَدْتا وِمَرِيرواِتا دِكِيويِه.

تَمَلْ كَمَبِيرالانِ هَيمانوئا لِباتِيه دَقَدِيْشي وِكَمَبِسَمالانِ بَشوپِرا
دِييَايهي ذِبِيْتا، وَدَها كَمَنْخِئالانِ لِدوكاني خَشوكِي، وِكَمْتِخِراالانِ پِرئونا
دِگِنِئاِثا مِعوَذِي. تَمَلْ عِيْتا مَخْزِياوالانِ شَمِيا. وَأِدِيو يُوما كَمَخْزِياالانِ
مَطْهَر، وِكَمَلِياالانِ دِنورِي دِيِيه كَشَقْلِي طوِلا، وِكَمَلِهيلايِ أَلِها تَدْ
مَنْذِفِ گِياناِثا دَأِيْثِ إِلايهي خَكَمَا نوقِصَنواِثا، وِكَمَحارِكلانِ تَدْ
عَيْنوخلايِ وِمَخَلِصوخلايِ مِنْ دَأني نوري *

قِصَتَا

كَمْخَبْرِيْلَانِ اِلْدُ خَا مِنْ مَطْرَانِي قَدَيْشِي: خَزِيلِي بَخْلَمَا
خَا يَالَا وَيَبْذِيه شِصَا دِدِهَوَا، وَخَا كَذَا دَسِيهْمَا هُولِي بَمَرُومِي
بِگَاوَاهِي خَذَا بَخْتَا غَرِقْتَا بَعُومَقَا دِخَذَا مِنْ بِيْرَاثَا. وَكُود رِئْشَلِي
مَطْرَانِ خَيْرِي مِنْ شَبَكِيي دَاوَدِيي وَخَزِيلِي لِيَالَا بِيْگِيَانِيه بَرِيكَا اِلْدُ
خَذَا مِنْ قُورَاثَا بِيْگُو بِيْث قُورَا مِصْلُويِي. كِمَقَارِيلِي وَمِيرِي طَالِيه:
مَهَا كُودْتِ آخَا يَا بَرُونِي؟ كِمَجَاوِيلِي يَالَا: يَا مَارِي هُوونِ
مِصْلُويِي خَذَا گَاهَا آوونِ دُوشْمِيَا وَشَلَامَلِيخِ مَرِيْمِ وَمَزْمُورَا مِرَاجِمِ
إِلِي يَا أَلَاهَا تَا خَا تَرِ نِيخُوثَا دَرُوحَا دِيْمِي دِيْلَا قُورْتَا بَأْذِ دُوكَا.
فَهْمَلِي أَيْگَاهَا مَطْرَانِ: دَا أَلَاهَا كَبِي دَمَخَزِيلِي مَعْبَدَانُوثَا دِصْلُوثَا
پَشِيْطَا. وَپَشَلَا ذَبْتَا لَكِيْبِي گِيَانَا دَايِ يَمَّا خَلِصَلَا. وَشِصَا دِدِهَوَا،
آوونِ دُوشْمِيَايَلِي. وَكَذَا دَسِيهْمَا مَزْمُورِيلِي دِرَاجِمَعَلَايِ أَلَاهَا *

مَقْصَادِي

زَيْرُوحِ قُورَاثَا وَمِصَالُوحِ لَرِيْشَايِيهِ رِيْسُوقْتَا دُورْدِيَا بَخَذَا
هَيْمَانُوثَا بِيخَايِي.

آوونِ دُوشْمِيَا .. وَشَلَامَلِيخِ مَرِيْمِ .. وَمِنْ عُومَقَا قَرِيْثَاخِ *
صَلُوثَا: يَا لَبَا دِيْشُوعِ قَدِيْشَا مِرَاجِمِ اِلَانِ.

يَوما دِطالاتا

تَحَمَلتا إِذَّ مَطَهَر

مَتَّخِمِل دَعِيئا قَدِيشتا: مِن رَوحا دَقوَدنشا وِبِتُكَلوناه إِذَّ حَقوُثا
دِكُثاوا قَدِيشا وَسِپِيتا دِباباواثا وَسَهَدوُثا دَتَواريخ وَمِن جَورابا بَدائِموُثا
بَكولاي رَونى كَمَلِپالان دَمَطَهَر خَذا دوكُتايلى دَكِيشي حَبِيسى بَگاوِيه
گِياناِثا دَزَدِيقى هَلْ خا رَونا تَد پَرئى اَو مِندى دَأِيت اِلَهي مِن
نوقِصَناوُثا مِن بائِر خايى وِكَبِريا تا اَنى گِياناِثا تَد ماِطى اِلذَّ خِلاص
وَعونكاروُثا بِنافِنجيوُوثا دِصلاواِثا دِمهويَمِنى وِپِريشوُثا بِنافِنجيوُوثا
دِدوِبحِثا اِلاهايتا. شَود هاويا بَدَم فايدا دَمَطَهَر دِپلا حَقانى دَلِيت بَگاوِ
شِكْ وِتوُخرونا دِمُخا دِشَلهيوِوثا دِيبِه مَحَرَكالان تا طِلابا مِن اِلاها
شوحا لَشِمِيه اِمْدُ قَدِيشا اَوِغِسطِينوس تَد مَندِفلان بَأذَّ عِلما
وِبِنافِنجيوُوثا دِكَبِيروُثا دِعِسقواِثا وِكِيوى دِكُطانوَخِلاي، بَد مَخالِصِلان
مِن رَودانوَثا دِعودابا دِپِرئوُنا بَگو خايى دَزونا دَأِثى وِشود هاويا
هَيمانوُوثَن دَأِلاها بَدُ قَابِلُ وِشامى صِلاواِثا دِمَوُرووَخِلاي مَبَدال گِياناِثا
دَمَطَهَر كود كِمَحارِكلان لِإِخِلا عَم بَخِلاص دِيان *

قِصِتا

قَدِيشتا مُونِكا يَمّا دَقَدِيشا اَوِغِسطِينوس كود قَرولاه
لَمِياِثا مِراهِ طالِيه: كَطَلَبَن مِنوُخ يا بَرُونى دِمِصالِت مَبَدال

گیانی اَیْمَن دِمَشَنین مَن دَآنی خایی، ولا نَاشِت اَیا
 دِکِمبَآیالوخ حوبا دلا حَد وَتخوري بِش کَبیرا اَیْمَن دِیسَقِت
 لَریش مَذبَحَا تا مَقرووي دِوَحْنا آلاهايتا، دِوِیْحْنا دَزونا خاْنا.
 قَدِیشا اُوغَسْطینوس لا نَشِیلِی هَلْ خارْنا تانِیشا دِیْمِیَه قَدِیشْنا
 مونیکا اِلا مَعویطلی بَعْدانا دَحْشِیَه ومیری: یا اَلاها دِرَحْمِیَه
 لا اُوریت بحوکوم دِیُوخ اِمْدِ یْمِی اِلا تخور کل مِندی دِطَلِبْلاه
 دَنخروخلاه لَریش مَذبَحِیَه دِیُوخ*

مَقْصَادِی

مَقرووخ صلاواْنا وِعواذِیَه دِیاَن طاوِیَه کولایْهِي مَبْدال گِیاْناْنا
 دِیلاي بِمَطْهَر تَد نِیْخِی بِشْلاما .
 اُورون دَوْشْمِیا .. وشْلامِیْخ مَرِیْم .. وِمِن عومقا قَریناخ*
 صلواْنا: یا لَبَّا دَمَرِیْم حَلوِیا مَخالِصْلان.

یوما دَآرِبا

تَحْمَلْنا اِلْدُ گِیاْناْنا دِیلاي بِمَطْهَر

خا مَن بِلِاسوِی اِیْذِیْی دَقْمایْنا، اَمروا: عَوْقانی دَآنی خایی
 لَبِی دَمَضِغِی خِیْلِی دَحْکِیْما هَوْناْنا مَن سَبَب اِن اِیلاي قَلولِی لَیْث

سنيقوئا تا تخاريهي، وان ايلاي يقوري مئا دييايهي كريايلي كبرا. لکن اوه ما امروخ ايد مطهر دتاما كخوخي مئا دعودابي وزروئا دييايهي. ساعاا دييه بخشوتاي طالوخ يوماا. ويوماثيه يرخي، ويرخي دييه شئي، وشئي دييه داري. وماذي سبب خدا ساعا بعودابا دمطهر موجب تانايا دمدمويي بگو مارن كميئا بش عسقا ومر كيوي من اما شئي لريش اريا دقاضيلاي برناشا بخذا تياوئا قشيئا*

قصتا

طوانياا كاترينا آكونجا گدشلي الاه خا يوما خا كورھانا يقورا دشاتا وكمحولقلا بشوبئا، وپشلاه متخمولي بعودابي دخايي خرايي، وبعداناه راشلاه بخذا حيروئا وپشلاه خطيفتا بروحا قم شلهيوئا دمطهر وتا خاتر دملهي الاھا بگو لباه خدا عبادي زودانياا، بئيلي دمجريا بگياناه او عودابا، وكود آھي بخيارا بائي نوري دمطهر معذباني خا قالا هولي بايمارا طالاه: بد طانت كل اذي عودابا بخا دقيا، وبعدانانيلي بلباطا من نورا دمطهر لپااھ: ومن زروئا دمرا درشلاه بگاويه امراواھ: موئولي اذي بلباطا خدا معبدانواا زربانياا وموصيري برقول ايني كل ماربرواا دان خايي خديگد لا مندي. وماذي سبب موزدلاھ بعودوتا دياھ تا اني گياناا مسكيني وخشاواا دللياا پريئاا چو مندي ماو مندي

دَأَيْثَ إِلهَ مَبَارِ دَانِي گِيانَاثَا هَلْ دِفِهْمَلَا بَخْرَثَا طَانَا كَلَّ عَسِقَوَاثَا
مَمْرَثَانِي وَدِيَاوَا كَلَّ خَيْلَا تَا دِمَخْلَصَالَايَا *

مَقْصَادِي

أَخْلُوخَ عَمَّ لَيْنَاخَا تَرَثَا دِشْمِيَا قِصَا مَا دِهَاوِي تَا خَذَا گِيَانَا مِّنْ
گِيَانَاثَا دَمَطَهْرَ بِنَاقَنْجِيوَوَاثَا دِصَلَاوَاثَنْ كَبِيرِي مِّنْ سَبَابَاهُ .
أَوون دَوْشْمِيَا .. وَشَلَامَلِيخَ مَرِيْمَ .. وَمِنْ عَوْمَقَا قَرِيْنَاخَ *
مَرَاحِمَ إِلَّانَ يَا أَيُّسُوْعَ: يَا لَبَا دَمَرِيْمَ هُوِي طَالَانِ خَلَاصَ دِيَّانِ .
صَلُوَاثَا: يَا بَابَا مَثُوْمَايَا كَمَقْرُوخَ طَالُوخَ دِمَا دِيَشُوْعَ مَشِيْحَا مَرَّ
طِيْمَا بَرِيْثُوْنَا مَبْدَالِ حَطَاهِي دِيَّانِ وَتَا سَنِيْقَوَاثَا دَعِيْتَا قَدِيْشْتَا * .

يَوْمَا دَخْمَشَا

تَحْمَلْتَا إِلَّادُ عُوذَابَا دِيْلِي بِيْشَ رَابَا بَمَطَهْرَ

دَلَا خَزِيْنَا دَبَارُوِيَا شُوْحَا لَشْمِيَه

قَدِيْشَا مَرَّ تُوْمَا كَمَثِيْبَ طَالَانِ دِيْخَ دِكَمَثِيْبِي مَلِيْپَانِي أَنْ بِيْشَ
رَابِي دَعِيْتَا: عُوذَابَا بِيْشَ مَرِيْرَا بَغُو مِطَهْرَ لَا خَزِيْنَا دَأَلَاهَا شُوْحَا
لَشْمِيَه . گِيَانَا بَعْدَانَا دَدِيْنُوْنَا بَدُّ رَأْشَا لِيْگِيَانَا دِيْلَا بِيْثَالَا صُوْبَ أَدُّ أَلَاهَا
خَمِيْرَا دَكَلْ كَامَلُوْنَا وَكَلْ طُوْتَانُوْنَا مِّنْ سَبَبِ قُوُوْتَا بِيْشَ رِيْثَا بَغُو أَنْي

خايي بد گرشالاه صوب ألاها شوحا لشميه. وأيگاها بد رآشا دنيخوثا
دياه لحوذيتا تاميلا بس، ومآذي سبب آخا بد خزيا غايا دياه خاريثا
وكاملوثا دخايي دياه. وقوتا خرتا هم بش ريثا من قاميثا بد نبلا لاه
وبد آريالاه مقويدتا راحوقتا منيه، وآهي برآلاه. وأذ حنطلتا دمطايا
لآذي طوثانوثا ريثا تا أي گيانا مسكينتا خا عوذابايللا دلا كيئي
لمسيبوري، وخذا سهذوثا حقاني آيلا ونورا أخلو بد مقذالاه
ومسكرالاه*

قِصتا

كمخبرالان معلنا دشريكوثا دبرعونا إلد خا گورا دأيثوالى
خذا عبادى ريثا تا گياناا دمطهر، وخزيلي خا خلما وآذيلي:
خدكيد آيلا گيانى مشونايتا قم كورسي دديانا آيشوع مشيحا،
وكود آهي بسپارا لديانا دياه: رآلوا من زدوثا وبعدانا شميلا خا
قالا دخا أولدش ديلي قاللا دملاخا دياه ناطورا هولى بايمارا
طالاه: ديانا ديآخ كينايلى ومرحمانا، وأيگاها پشلى خزيا
مخلصانا آلاهايا بعدانا وحكملى إلاه تد معذبا خمشا دقيقى
بمطهر، وغبناه من سبب آذي مندي كبيرا، وبائر ديخ شميلاه
آوا دقزيلي لكيباه گاها قاميثا وميرى طالاه. بگو حقوثا بد خزيتى
آذي زونا يريخا: من سبب خمشا دقيقى خا زونايلي يريخا كبيرا
إن هاوى دپايش قضا رحوقا من آوا ديلي كولىه حوبا*

مَقْصَادِي

قَبْلُوخ بِيصْخُوثَا جِيهَوِي دَاذ يَوْمَا وَتَعِيشُوثَا دِيَّه تَا مَطَايَا
لَخَلَاص دِگِيَانَاثَا دِيَلَاي مَعْدُوْبِي بِمَطَهْر.

آوون دَوْشَمِيَا .. وِشَلَامَلِيخ مَرِيْم .. وِمِن عَوْمَقَا قَرِيثَاخ*

صَلُوثَا: هَوِيَا مِيوَقْرَتَا وِشْكِرَتَا بَكُوَلَاي زَوْنِي دِيوِيحْتَا آلَاهَايْتَا
قَدِيشْتَا دِكِيْبِيشَا مَوْقَرُوْتَا لَرِيْش مَذْبَحَا*

يَوْمَا دَاشْتَا

تَخَمَلْتَا اِلْدُ مِسْكِيْنُوْتَا دِگِيَانَاثَا دَمَطَهْر

اِنْ گَدَشَا اِلْوُخ كُوْد اَيْت بَاوَاذَا عَوَاذَا دَحُوْبَا وَتَاْفَقْت بَغُو تَرِي
مِسْكِيْنِي، خَا بَرُوكَاوِي طَاوَا وِسَاخُوْتِي بَسِيْمَتَا اَيْبِي دِمَحَاصِل طَاوَتَا
دِيَّه مَن جِيهَوِي وِپُوْلخُوْنَا دَايْدَاثِيَه وَكِمَفَاصِل خَذَارَا بَاَلُوْلِي لِيْگُوَايَا
صَدَقَات . وَاوُ خَنَا كَرِيهَا: اَيْبِي دِيْپَاْلِيخ وِلا دِمَحَاْرِك وِلْتِي مِندِي دَمَسُوْ
فِقْرُوْتِي، وَهَوَلِي كَمَخْزِي طَاْلُوخ حَال دِيَّه دِيْلِي بِيخَايَا مِْن سَبَبَاَه
وَبِنَهَايَا. وَمُوْرِي صُوْب اَيْمَا مَنِيْهِي بَد مَخْزِتُوَا عَوَاذِي دَحُوْبَا، وَايْمَا
اَيْتِيَه حَق بَش كَبِيْرَا بَغُو رَحْمِي اِنْ هَاوِي نِيْپِيْلَا كَرِيهَا خُو يُوْقَرَا دِكِيُوِي
اَنَاي دِكَمَعْدَبِيْلِي مَرِيْرُوَاثَا دَبَاَلَايِي. دَلَا شِكْ اَدِيْلَا حَقُوْتَا بَش عَدُوْلَتَا

دلا مپئلت پاتوخ منيه، ولا رحقت منيه إلا دمرحمت إليه. وأذيلي حال
 دگیاناڤا دیلاي بگو مَطَهَر. وَاَنِي گياناڤا مسکینی بگو حَقوڤا هولاي
 بڤذا سَهڤوڤا رڤئا لیبی دِمَخَلَصِي گیناڤا ديبايهي يَن دِمَقَلَقِي کيوي
 دِكَمَعادِبلاي، هِل اَلاها شوحا لشميه لیبه دِمَخالِصلاي اِن لا هاوي
 مَطِي لَنَعْمی مَقَدشانينا کَمِلتا. وَأَخني لَخوڤن بَس ايبن دَعينوخلاي
 باو مندي دايبن دماطوخ إليه. مَن خاشيخوڤا دپرشوخلا طالايهي.
 وِکقاري لگيبن وَاَنِي مشيلويپی مَنن گَرَحْمی وَحَنِوڤا*

قِصتا

طووانينا اوجينيا سميت ايتوالا خا ميل من زوروثا تا
 عيانا گياناڤا دیلاي بَمَطَهَر وکود آهي برخاشا خا يوما امد
 خورثا بارايا طيري دبشارات، کليلا بعدانا من رخشتا قلوڤتا
 وميرا تا خورثا: کيڤت بگو ميون متخمولی؟ هوون متخمولی
 دان هويواو خدا من خورباثن بحبس دَخا نورا وهايواين
 دِمَخَلَصوخلا بڤذا تَتينا، کلو بد معنطلوخوا من داو مندي.
 وهادخ ايلي مَطَهَر: اَلاها دِكحاسب گياناڤا بگو مَطَهَر لا
 کطالب مَنن اِلا خدا صلوثا کريڤا يَن خدا صَدَقات قِصا تَد
 پاشيخ طالايهي تَرئا داڤي حبس وَاَمْد کولا اڤي کَمَنشِخ

وڪوڏوخ ڪِسانوٿا بگو لا صَلوِي ولا هوَلا صَدَقَات تا
دِمَخْصُوخَلَاي *

مَقْصَادِي

مَقْرُوخ تا أَلَاها شُوخا لَشِمِيه ڪولايهي عواذي طاوِيِي
وڪولاي خاشيخواتاه ديَان بأذ يَوما تا نيخوٿا دِگِنَاٿا ديلاي بگو
مَطْهَر *

آوون دَوَشْمِيَا .. وشلامليخ مَرِيْم .. وِمِن عومقا قريٿاخ *

صَلوٿا: يا أَيِشوع وَمَرِيْم وَمَر يَوسپ آنا ڪيَاون طالوخون لِيِي
وِگِيَانِي * يا أَيِشوع وَمَرِيْم وَمَر يَوسپ عونولي بعدانا دَشْرِي مِن مَوٿا *
يا أَيِشوع وَمَرِيْم وَمَر يَوسپ آنا ڪِمساپِن رُوحي لِإِيذَاٿوْخون بِسْلاما تا
مَوٿا *

یوما دشوئا

تَحْمَلْتَا إِلْدُ آوَا دَعَايِنِ گِيَانَاثَا دَمَطَهَرِ بَدِ

مخالصِ کيانی

کَلَزْمَا تَا آئِي دَعَيِنِي گِيَانَاثَا دَمَطَهَرِ دَلَا مَنَشِي مِّنْ دَائِي طَاوَاثَا
وَخَاشِخَوَاثَا دِيَلَاهِ ذَبْتَا لَكِييِيهِي بَغُو مَطَايَا إِلِيهِي بَدِ أُوذِي عُونِ تَا آئِي
گِيَانَاثَا. وَبَدِ مَخْلَصِيَلَايِ مِّنْ عَوَقَانِيهِي وَبَدِ مَبِيرِيَلَايِ لَمَلَكُوثَا دِشْمِيَا.
وَأَيْبَنِ تَدُ أَمْرُوخِ أَخْلِي غَمِّ لِمَلَايَا شَمِيَا مِّنْ سَكَانِي وَأُوذِي طَالِيهِي
مَحْمِيَانِي تَدُ طَلْبِي مَنِيهِي لَأُو مَنَدِي دَسْتَقِي إِلِيهِي رِيشِ أَرْنَا وَأُو مَنَدِي
دِكَمَذِبْتِ طَالَايِيهِي خَلَاصِ بَغُو خَرْنَا. وَإِمْدُ كَوَلَا آذِي قَدِيشِي كَخَايِرِي
بِگَاوِيهِي بَأَيْنِي دَرَحْمِي مِّنْ سَبَبِ كَرِيذِي لَمِنِيَانَا دِيَايِيهِي. بَثُولْتَا مَرِيَمَ
كَسْتَرَالَايِ بَسِيْرَ دَحْمَايَا دِيَاهِ بَيِدِ خِلَايِ غَمِّ بَغُو مَكَلُولِي دَائِي گِيَانَاثَا
عَزِيْزِي گِيِيْدِ لَبَا دِيْبُرُونَاهِ آلَاهَايَا. وَأَيْشُوْعُ مَشِيْحَا بِيْگِيَانِيَهِي كَشَايْخِ إِلَايِيهِي
طَبِيْوَاثَا وَبُوْرَكَآثَا دِيَهِي وَبِيْشِ كَبِيْرَا تَا آئِي دَعَيِنِي بَكْشِيْرُوْثَا عَوَاذَا دِيَهِي *

قِصْتَا

کَمَخْبِيْرَنِ کَنَّاوَا أَوْلِي بَدُوْبَارِي دَمَرِ مَنَصُوْرِ دِي پُوْلِ دِيْلِي
مَأُوْلَفَايِيهِي: آذِي قَدِيشَا كَبِيْرَا مَحَارِكُوَا كِنَشَا دِيَهِي لِعِيَانَا گِيَانَاثَا
دَمَطَهَرِ وَآمِرُوَا طَالَايِيهِي: کَلَزْمَا دَتَكَلُوخِ إِلْدُ آئِي عَزِيْزِي دِيَلَايِ

بيخايي مشونیی لگیبِد ایشوع مشیحا بَنَعَمی دیّه، وذبَتایلا
لگیبیهی دِخا یوما بَدِ مَشْرکي اِمیه بگو شوحا دیّه و تا آدی سَبَب
کلزما طالن دباؤخلاي و خَدموخلاي و عینوخلاي مَن کولیه
خیلان. و قدیشا مار مَنصور مصالیوا و مقرووا دیوحنا آلاهیتا
مبدال گیانانا دمَطَهَر. و پاقدوا کهنی ددیریه دِمصالاي و مقرووي
قوداشي دبیایهه مبدالایهه، و مطوکسلی تا کُنشا دیّه آدی عیادا
قدیشا: پایش مصولیا بخذازی طلات گاهاتا بیوما مزمورا دمن
عومقا قریلی لگیبوخ یا مریا *

مَقْصَادِي

مصالوخ عواذا دهیمانوتا و أمود و حوبا مبدل نیخوتا دگیانانا
دیلاي بگو بَمَطَهَر.
آوون دوشمیا .. و شلاملیخ مَریم.. و مَن عومقا قریناخ *
صلوتا: هویا میوقرتا و شکرِتا بکولاي زونی دیویحنا آلاهیتا
دکبیشا موقرتا لریش مذبجا *

يُوما دَتَمَيا

تَحَمَلتا إِلدَّ شَپلِياثا دِگِياثا دَمَطَهَر

إِن هَوايَوَبايَ عَمَاري دَارُنا لِشَمانا شَپلِياثا دِگِياثا دَمَطَهَر ما تَرز
حَسَراثا يَن أَيما كِيوى مَمَرِئانى بَد ماخيوا لَنثِياثِهي. بَد شَمِيتَ بابا
مَدَرُومى إِلدَّ بَرونى، وَأَخونا إِلدَّ أَخونى، وَبَختا إِلدَّ گُوراه، وَأولَدَاش إِلدَّ
أولَدَاش دِيه. بَيد كِمناشِياي بَعوذابى دِيايَهي وَكقَاري مَوجِب تَناياثا
دِكتاوا قَدِشا كُود أَنى بايَمَارا: گِياثَن پَشيرِى تا مِشتاقوِثا لِمطايا لَلاها
بِيايَهي إِيمَن بَد قَيمُوخ وِيد هَويِن لِمطايا لَنصِيب دِخَرِياثا پاِثا دَمَريا.
مَرَحَمو إِلان قِصَا ما دَهاوى أَختون يا بَئِىي دِيان. أَيذا دَلاها قِثلا
بِگاون، مَصالو تا مَريا مَبَدالان مِن سَبَب حَطِيلان قامى وَجَمِثى
هَولا مَحَوَرَن بَدايَموِثا. يا أَخِنواثَن وَأولَدَاشى دِيان وَبِئِىي دِيان: أوه مِن
زونا يَرِيا بَسِپارا پِووخ إِلوخون وَأختون لا كائوتون، كقاروخ لَگِبوخون
وَأختون لا كِجَوَبوتون، كِمعَدَّوخ وِليث خا دِمسالى، وَبِحَقوِثا بَرِياثِيا
أوا دِشامى أَنى شَپلِياثا حَمِيمى أَيبى دِسايدُ نَنياثى ولا كِمقادِش كل
عوادى دِيه تا عِيانا دَانى گِياثا مِسكىنى*

قِصِتا

قَدِشا مَر أَپَرِيم بَعَدانا دَنفَس دِيه خَرايا پِئلى صوب
رَبانى دِيه أَنى دُوبوا خَوِذرانى وميرى طالاىهي: أَيمن دَنبِقا

گیانی مَن پَغري مَحورولا بِصلاواثوخون وَمَزَمروا مَزَموری
وَمَقَدَمون دِیوَحنا آلاهايتا مَبَدالي انا حَطايا وَمِسکينا تخورولي
بگو یوما دِطلائي بائِر مَوْثي مَن سَبَب مِیْثی کماطِیلاي خدا
عونکاروئا رِیْئا مَن صلاوائا وَمَقرویائا دِبیخايي *

مَقْصادي

مصالوخ خدا ریسوقتا دوردیا مبدل نیخوئا دِگینائا دیلاي بگو
مَطَهْر اَن پَش کَبیرا سَنِیقِی *

آوون دوشمیا .. وشلاملیخ مَریم.. ومِن عومقا قَریناخ *

صلوئا: هاوی بیئا بگو کولاي دوکانی لبأ دیشوع قَدیشا *

یوما دِتِشْئا

تَحْمَلتا کَلزما دَأخْلوخ غَم لِخِلاصا مَن مَطَهْر

میری بَرْد اَسیرا: کل مَندي دَأیبوخ دَأوَدتِی بگو اَن خایِی
مَقْلَقْلُ بگو کَمولی مَن سَبَب مَن بائِر مَوْثا لا کهاویبوخ لِپلاخا خا
عوادا مَندي. ولا بَد اَوْد طالوخ طَوْتا عَجبونا دِیوخ. ومآذی سَبَب
کَمَرِشْلان کِشاوا دِمَدَمویي بگو مارن: دلا تکلوخ چو گاها اِلْدُ
عاونکاروئا دَأولداسی دِیان طالَن، وِخزَمی دِیان بائِر مَوْثا. اِلا اَخْلوخ
غَم دِگِیْنائا دِیان مَن بار دشولا دَخْلاص دِیان میری: لا تکلِت

لأولادشى ديوخ واد خرمى ديوخ، من سبب بد ناشيلوخ بعدانه وبقولوا،
 وان لا اخلت عم دها بگيانوخ منبلى گلو آوا داخل عم ديوخ بپراشوخ
 من آني خايي بحقوثا دلپث توخرونا قديشا خديگد توخرونا ديما بلبا
 دبراته، وامد كولا آدي پشلى خزيا من بناثا زدائى من آلاها نشيلاي
 پماييهي آني دويوا شورايا دخايى ديابهي *

قصتا

طووانپنا كاترينا دمن سينا ايتوالا عيادا وامراوا آني
 تنياثا دكطاوي تا تخارا: آوا دنادف من حطاهى ديه بآني
 خايى بد پارى دينا دالپا ليرى بگو خا پارا، لاکن آوا دساپر
 لپروونا بگو خرثا، کلزما تد ياول الپا ليرى مبدل خا پارا
 دکماليوالى تا خدا عدانا بسيمتا *

مقصادي

قصدوخ مقصد ذبيتا لرحاقا من كل خطيئا گدشائيتا
 دعبونا *

آوون دوشميا .. وشلامليخ مريم.. ومن عومقا قريناخ *

صلوئا: يا لييا دمريم حلويا مخالصلان *

یوما دِاسرا

تَحْمَلتا اِلْدُ ماَقْدا راِبِلی مِنا نا دِگِیا نا تا

دیلا ی شویقی بگو مَطَهَر

اِذْوِء اِن مَتَّخِمَتِ بگو لا مَسَمَتا دِبالا دِبیخای اِلْد مِیْثی
وَنشِیا نا دِیْیا یه ی، و اِن حَشُوخ دِخا مِ ن سَبابی دِکِگَدَشِی مِنیْه ی
اَذِی مَهْمِیا نو تا اَیْبِن دِمَشْکُوخ بگو مِنا نا دِگِیا نا تا دِیلا ی شویقی
اَنی کَبِیرا یلا ی. ماَقْدا هُوخ مِصْلُو ی، کما مِ ن گِیا نا تا ماَقْدا دِلی
تُوخرو نا یه ی بگو لبا و ا تا دِیا ن، کما مِ ن گِیا نا تا حِنی لا کِمَتَّخِلی
چو گا ها بگو عِیا نِیْه ی مِ ن حَکما سَبابی زوری لا عَدولی، و اَذِی
کَثِیا ی ن مِ ن سَبَب کخازوخ صلوتا طلا یه ی کِمَسْبا طالان خا
جِیْهوا و عَسْقو تا ی ن کخازوخلا صلوتا دِلا طو تا مِبار دِیا یه ی و اَذِی
دِاَیْلا ن مِ ن حَکما نِیْشانی بَعْدانا دِما و نِیْه ی و ماَقْدا هَم مِ ن مِیْثی
حِنی اَنی دِلا کِمَتَّخِلی یاروْثی دِیا یه ی اِلا مَقْمو ی طالا یه ی
جَنازی و دِیوانی دَحْشا و لا کخازوْتی اِلا بِیخالا عَم بِلُوْی دِزِدقا تا
و مَقْمو ی دِصلو تا مَبْدَل نِیخو تا دِگِیا نا نِیْه ی *

قِصَتَا

خَا مِنْ رِبَانِي دَكْرَتوسايِي بَگُو سَاعَا خَرِيثَا دويوا
مَنْزوعِي مَخْزِيوَا رِبُوثَا دِرْدُوْثِيه مِّنْ عُوذَابَا دِمَطَهْر مِّنْ
سَبَبْ لَا تَاخِرُوا دَلَا مَصَالِيوَا تَتِيْ گَاهَاثَا بِيَوْمَا مَزْمُورِي
دويوا آهَو لَزِيْمَا لِيْگِيَانِيه بَعَجْبُونَا وَازُوْثَا وِتَا هُوَالَا دَلِيْبَا
طَالِيه بَأِي سَاعَا قَشِيْثَا مَقُوْلِيه طَالِيه رِيْشَا دِيِيه بَابَا
دَاتِيْس كَرْتوسَايَا، آهَو بِيْگِيَانِيه بَد مَكَامِلْ آذِي نِذْرَا
مِبْدَالِيه. وِبَاثَر مَوْثَا دَرِيْن مَدَشْنَانَا، نَشِيْلِي رِيْشَا أُو مَنْدِي
دويوا مَقُوْلَا طَالِيه، مِّنْ سَبَبْ كَبِيْرُوْثَا دَشُوْلِي دِيِيه.
وِمَسُوْمَحْلِي أَلَاهَا دَبِيْشَا خَزِيْثَا گِيَانَا دَأُو رِيْن مِيْثَا آهِي
غَبِنْتَا وِبِقْرَايَا لَكِيْبِيه: مَرَاْحِمِ اِلِّي مَرَاْحِمِ اِلِّي: وِمَعُوْجَبْلِي
رِيْشَا دُدِيْرَا مِّنْ دَأْذِي خَزِيْثَا. وِحِيْرِي وِبِيْلِي دَأْرِي حُوْجْتَا
بِيْد نَشِيْلِي. لَكِنْ أَيْ گِيَانَا كِمَجُوْبَالِي وَاْهِي مَشْپَلُوْپِي
وَبِيْمَارَا: أُوْه اِنْ طَأْنْتُوَا خَا سَامَا زُوْرَا مِّنْ كِيُوِي لَا كَمَقِيْمِتُوَا
حُوْجِيَاثَا بَأِيْمَا تَرَز دَهُوِيَاوَا وَلَا كِمَحْنَطْلِتُوَا خَا دَقِيْقَا تَا پِرَاءَا
دَأُو مَنْدِي دِمَقُوْلُوْخ بَغَاوِيه*

مَقْصَادِي

مصالوخ صلوثا دصپرا ورمشا تا گيانا تا ديلاي معاذوبى بگو

مَطَهْر *

آوون دوشميا .. وشلامليخ مريم .. ومن عومفا قريئاخ *

صلوثا: يا ليا دئيشوع قديشا مراحم الان *

يُومَا دَخْدِيَسَر

تَحْمَلْتَا اِلْدُ شَرِيكُوْتَا دِپَرُوْنَا مَبَارِ دِعِيَانَا گِيَانَا

دَمَطَهْر

شَرِيكُوْتَا دِيَلَا مَخُوجَبِنْتَا خَذَا مِنْ شَرِيكُوْتَا خَرَايِي خَدِيْگَد
حَسْبِي زُونَانِيْتَا اِلَّا لايِلَا خَرِيْنَا بگو طُوْتَا دِكُوْدَا دِيخ دَمِيْرِي بَابَا
بِرُوفُوس: آهِي خَذَا شَرِيكُوْتَايِلَا مُؤُوسَسْتَا بِخَذَا جَمَاعَا زُورْتَا مِنْ
مَرْعِيْنَا دِسْتِيْذ بئِيْتَا دِمُونَلِيْجُون بَأَثْرَا دَفَرْنَسَا تَا عِيَانَا گِيَانَا دَمَطَهْر.
وَأَذِي شَرِيكُوْتَا رِيْنَا اِتَا خَا طُوْكَاسَا پَشِيْطَا كَبِيْرَا، وَأَذِيْلِي: گَاها قَمِيْنَا
كِبَاشِ مَوْقِرُوَا بَكْل شَبْنَا شُوْنَا قُوْدَاشِي تَا عِيَانَا گِيَانَا دَمَطَهْر اُنْ دَلْتِي
چُو نَاشَا ، وَقَطِيْنِي مِنْ نَاشِيَه. وَبَكْل يَرِخَا تَلَاثَا قُوْدَاشِي مَبْدَل گِيَانَا
دَكْهَنِي دَلْتِي چُو نَاشَا دَتَاخِيْرَاي: گَاها دَتِيْتِي: أَذِي شَرِيكُوْتَا كَمَقِرُوَا
أَنِي قُوْدَاشِي مِنْ مَقْرَاوِيَاثَا وَشَرِيكُوْتَا دِيَلَايِ أُوِيْذِي تَا أَذْ غَايَا. گَاها

دِطَلَات: اِلْدَ كَل پِرِصوِپَا دِيوَل بَكَل شَاتَا اِسْرَا پَارِي وِبِد هَاوِيلِي
نَصِيْب بَخَاشِيخَوَاثَا دِكُوْلَايِ قَدِيْشِي. گَاها دَارِي: آوَا دَمَقْرُو اِسْرِي
شَرِيكُوَاثَا يِن يَوَل خَا فَرَنگ مَبَدَل اِسْرِي شِنِي يِن يَوَل خَمَشَا
فَرَنگِي مَبَدَل شَرِيكُوَاثَا اَبَدِيْنَايْتَا بَد پَايش قَرِيَا اُوَاذَا دَطَاوَتَا
بَشَرِيكُوَاثَا. مَادِي سَبَب اَيِبِن كُوْلَان اَتِيْرِي هَاوُوخ يِن مِسْكِيْنِي
دَاخْلُوخ عَم لِعِيَانَا اَنِي گِيَانَاثَا دِيْلَايِ قَطِيْنِي بِنَاقَنْجِيوَاثَا دَاذِي
شَرِيكُوَاثَا مَبُوْرَخْتَا دِكَمَخَزِيَا بَكَل يِرْخَا بَغُو مَقْرُووِي مَنِيَانَا دِتْرِي
اَلِيْپِي قُوْدَاشِي. پِصْخُوخ بَدَم بَغُو اَذِي مَنِدِي تَا گِيْنَاثَا دَمَطْهَر
وَطَالَن وَهَم تَا گِيْنَاثَن *

قِصْتَا

پِشَلَا مَأُوْسَسْتَا بَزُوْنِي قَمَائِي خَذَا رَنْوَاثَا غَايَا دِيْبِيَاه
مَخْلُوْصِي دِيْسِيْرِي، وَاَلَاهَا كِيَاذِي بَمَنِيَانَا رَابَا دِپِشَلَايِ
مَخْلُوْصِي بِنَاقَنْجِيوَاثَا دَانِي رَبَانِي دُوِيوَا خُو قَانُوْنَا دَشِمَا
دَمَرْتْ مَرِيْمَ دِيْلَا سَتْتَا دَشِكِرِ وِدَطَاوَتَا. وَقَدِيْشَا مَنُصُوْر
دِي پُوْل زِدْلِيَه بَكْشِيْرُوَاثَا دِيْبِيَه هَل هَادَخ مَدُوْمِيْلِي بَغَبَارِي
بَغُو حُوْبِيَه دَلَا كِيْشِي لِمَوْصُوْفِي، وَبِنِيْلِي دَهَاوِي يَسِيْرَا
مَقُوْبِيْدَا بَشِشَلَاثَا دَلُوْمَن، دِمَخَالِصِ اَزُوَاثَا دَخَا گُوْرَا دُوِيوَا

نپيلا بگاويهي. شَقْلُوخ بَدَم مِّن دَانِي گُورِي رَابِي بحوبا
وعليوثا بگو غيرتا*

مَقْصَادِي

أَخْلُوخ غَم لِبِرَاسَا آذِي شَرِيكُوثَا دِبِرُوُونَا بَكَل دُوكَانِي وِلْمَزُودِي
مَنِيَانَا دِ مَشُورُكِي بَغَاوَاه*

آوُون دَوْشَمِيَا .. وِشَلَامِلِيخ مَرِيَمَ.. وِمِن عُوْمَقَا قَرِيثَاخ*
صَلُوثَا: يَا بَابَا مَثُومَايَا كَمَقَرُوخ طَالُوخ دِمَا دِمَارَن أَيْشُوع
مَشِيحَا دِيَلِي مَر طِيْمَا پَرُوُونَا مَبْدَل حَطَاهِي دِيَان وِتَا سَنِيَقُوَاثَا دَعِيْتَا
قَدِيْشَتَا.*

يُومَا دَتَرِيْسِر

تَخْمَلْتَا إِلدُ نَاشِي دِيَان

تَا خَاتِر دِمَحْرُوكُوش مِشْتَقُوَاثَا دَحْنِيْنُوْتَا بَغُو لِيَاوَاثَا دِيَان تَا كِيْنَاثَا
دِمَطَهَر، وَأَخْلُوخ غَم لِعِيَانِيَهِي. كَمَلِيَالَن دَأْبِدُوخ دِيَلَاي مِّن كِيَانَا بَدُومِيَا
دِكِيَانَا دِيَان وِخَوَاثَن أَيْلَاي يَالِي دَأَلَاهَا وِدَعِيْتَا. وَأَيْث سَبَب بَش رَابَا تَا
عِيْنَايَهِي إِنْ مَتَخْمَلُوخ دِيَلَاي مِّن نَاشِي دِيَان پَرِيْشِي آئِي دِيُوُوخ سِيرِي
بَغَاوِيَهِي أَيْسَارَا دِمَانَايَا خَدِيْگِد بَرُونَا إِمْد بَابِيَه. وِبَابَا إِمْد بَرُونِيَه،
وِگُورَا إِمْد بَخْتِي، وَأَخُونَا إِمْد خَاثِيَه، وَهَادَخ تَمَامِتَا دِنَاشُوْتَا كُولَاه. إِيْنَعِم

بشیتوئا مین دآذی کلارما دایذوخ دایث خدا لازموئا رینا وپیریشوئا تا
 اواذا دکولای مصعایی تا عیائیهی ، مین سبب کطلبی عاونکاروئا
 دیان مین عومقی دمطهر مین دای دوکئا دنوخرایوئا ایکا دیلای
 معذوبی، وبرینایلا دیووخ آخنی گاهانا پیشی سبب دیاه وکمرمی ایداتا
 دیاهی صوبن بشپلیپائا مین ، ایبن گلو وانی باذ حال، دمنشوخ
 مئیهی ولا معبذی بگاؤن مطلبات وشپلیپائا دیاهی *

قصتا

کمخبریلان ایلد خا گورا نیلی لمذیتا دأرس بائر موئا دأخونیه
 بشریه خنتا دأورلیان بائرا دفرنسا، وبیید زادیوا مین توخروئا درزیلوئا
 دطانیه آخونیه کمشغشیلی بعدانا دییه خرینا، زلی گیبید ریشا دکهنی
 داو آئرا لکشافا طالیه خوشاوی دییه، بلکی ماطی لسولایا وراحق مئییه
 قطاء دامود دوپوا مسولطا ایلیه مین زربوئا دحشا دگدشلی ایلیه ومین
 بائر ما دمکوملی محکیئی میری طالیه کهنه تخیرا: صپرا بائر رازی
 دقوداشا مجوبنوخ: بیوما دصپرا میری طالی کهنه ودمئی مشرتوخی
 مین اینی وانی اربی امود: یا عزیزا مصالی آخونوخ هولی بخا حال
 دسنیقوئا کولانیتا لصلوئا. کمجاوبلیه جونقا : برینایلا دیلی خلیصا یا
 بابی؟ ومیری طالیه کهنه: نعم ایل مصالی کبیرا مین سبب دها معاذب
 وبائر دیخ بد خالص *

مَقْصَادِي

مَقْرُوخ شَقْلِيَانْ دِرَازِي وَعَوَازِي دِيَان تَا أَلاها مَبَدَل نِيخوْتَا

دِنَاشِي دِيَان دِيلاي مِيئِي *

أَوون دَوْشَمِيَا .. وَشَلَمَلِيخ مَرِيْمَ .. وَمِن عومفا قَرِيئَاخ *

صَلوْتَا: هاوِي عَجبونا دَأَلاها مَقوْدُشا وَكِنا وِيايَا. وَهاوِي

مِيوقرا وَعَلوِيَا بَگو كول مَندي وَهَلْ أَبَدُ آمين *

يُوما دتلئاسر

تَحْمَلتا إِلدُ أَوْلَدَش دِيَان

أَيذوْء دَلِيْث بَرِناشا أَيَمَن دِشامِي بَموْتَا دَأَوْلَدَش دِيِيه دِلا
كَغابِن وَكَتاوِر لِيِيه، وَأِيگاها كِيِيشا أَيذِيئِتا أَي عَلاقا دِحويا دَأِيْث
بِيِنِي كِيِنَاثَا. عَبَنوْخ بَدَم وَعِيقوْخ مِ ن سَبَب أَلاها لِيَلِي مَوِجَرْمِي
إِلان أَذ مَندي ، وَنِشَقوْخ شَوِيايِي دِفِيئِتا دَأَوْلَدَش دِيَان، وَباخوْخ إِلدُ
أَنِي مَندانِي دِلا كَطَلَبِي دِكَمَصِيرِيلاي بَرَقولان، إِلا إِئِن خا سولايَا
رابا وَآذِيَلِي: أَوْلَدَش لِيَلِي مِيئا وَأَيَبِن دَمَذَبَتوْخ طالِيه حويا دِيَان
بِش كَبِيِرا ما دِهاوِيوا بِيِنَاثَن رِيش أَرِعا. وِيا تَا پِصخوْتَا رِيئا
دِكِمَسَلْطا لَرِيش لِبَا دَأَوْلَدَاشِي وَكوذَالِي أَيَسَرِيَاثَا دِحويا دِيِيايهي تَد
دَبْتِي هَلْ بائِر قَوِرا. وَتا خاتِر دِهاوِي بِيئِيي وَعِيَانِي دَلَبَدُ أَيِشوع

ومريم . يا حيف نشيلان أولداشى ديآن آني دمثلاي .
 ودمكشفوخوا طالايهي حوبا دلا كيئي لموصوفى . يا تا مسكينوئا
 دآني گينائا شويقي كمعيطي لگيبن من عومقا دتهومى : مرحموا
 إلان مرحموا إلان أختون يا بيئي ديآن من سبب ايذا دمريا قحلا
 بگاؤن *

قِصتا

كمخبريلان إلد قديشا امبروسىوس كود آهو بمكروزي إلد ملكا
 تيئودوسىوس شاپخوا دمئى وامروا : كبنى وماذي سبب كبن دمخورنى
 بدمئى دئىي وصلوائا ديئي هل دوكتا دبيخايي ولا كشوقنى هل
 دمطنى لدوكتا دكقازيلى خاشيخوائا دىي وأذ محكايتا بگياناه امروالا
 إلد كل مكرزتيه لتامتا دملكى خديگد فلاتين وقراتيتوس وأخونى
 سانتىروس . ومقاولوا طالايهي دمئى وصلوائا وقوداشى . وتانىوا
 محكايتى دلا كناشيلى ما قدرا دهاوى بيخايي *

مَقْصَادِي

قصدوخ مقصادى ثبتي قم ألاها دبد تخروخ بدايموئا أولداشى
 ديآن ميئى *

آوون دوشميا .. وشلامليخ مريم .. ومن عومقا قريناخ *

صلوئا : هاوى بيئيا بکل دوکا لبأ ديشوع قديشا **

يوما دأربئسر

تخملتا إلد ديوحى ديآن

ثبتايلا ديلي خا شولا مغبنانا كبيرا دطأنوخ قصاص دخطيائا،
لكن مندي ديلي بش يقورا وربا بد بيشوخ مقوصصي إلد خطيائا
دخنى ومآذي سبب مآقرا گيئائا هولاي معذوبى بگو مطهر پريونا
مبدل حطاهى وگناهى. وبرئثايلا دييوخ اخني پيشى سبب دييايهي،
وبرئثايلا هم دآني گيئائا كمعذبي بگو مطهر من سبب حوبا دييايهي
طالان اخني دييوخ ملپانى دييايهي، ين خزى طالپيهي، ومن سبب
سانايوئا دييايهي امن، ين من مثلا بيشا ين محكيائا ديآن بطيلتا ديلا
نپقتا من كمّن دلا هونا. وبرئثايلا ديلاي نوبلايهي صوب خطيئا.
وانى گيئائا ديلا ميوسرتايهي كينوئا آلاهايتا ليلاي خاشخ تا چو
عوادا مخشخانا، مآذي سبب كطابا حقوئا دمقرووخ طالپيهي
خاشخوئا ديآن. سي بدم يا حوبا صاوبيهي ومور طالپيهي حذيرايون
تا عواذا دكطلبالى كينوئا، وكپرشن گياني تد پرين كل مندي
دمسوبلي طالپيهي من زرارى بگو خايى ديئي إمپيهي *

قصتا

ريستا يما مريم راتيس دي مرتيني ميوقرتا ديلا خدا من
خوريائا دقديشتا دي شانताल مر عودوئا ريتا واوا تا گيئائا دمطهر

ولا شوقاوا خا فورسا دلا عيناوا لاي وأخلاوا غم لإواذا إميهي طوتا
 بعاونكاروئا دعيتا قديشتا، ولا منشياوا من حوسايي دأينوايا
 لمحصولى كوديوم. بعدانا دنپاقا لبريا محركاوا رنينايا ديباه لعيانا
 گينايا دمطهر آن ي دكبيرى گاهاتا مخزيوا طالاہ پراءا دطوتا *

مقصادي

مصالوخ گاهاتا كبيرى مبدل پرصويى دييوخ پيشى تعستا

طالايهي *

آوون دوشميا .. وشلامليخ مريم.. ومن عومقا قريناخ *

صلوئا: يا لبأ دمريم حلويا مخالصلان *

يوما دخمشئسر

تخملتأ إلدأ اواذى دطوتا إمن

إن ألاها كداين دلا رحمى آوا دلا كمرأجم إلدأ خنى.
 بحقوئا ماقدرا بد هاويا قشيوئا ديبى تا آنى دكپري بگو طوتا: آنى
 دكرخشي بقشيوئا إمدأ اواذى دطوتا طالايهي. هل هادخ لا كخلي
 غم بصلوئا مبدلأايهي، ولا كمركي خنى دمصالاي مبدلأايهي.
 تا پراءا دانى مندانى ديلاي اويذى إمايهي إن من شولى
 روحانايى ين من مندانى زونانايى كلزما بدم دپرشوخ تا آنى

کپاری بگو طوتا او مندی دکیمیری کنوشیا داریا دپشلی اویذا
 بگو مذینتا دقرطاجنا، وکقاروخلاي قَطالی دمسکینی . مآقدرا
 گاهاتا قریووخ طالایهی اوازی دطاوتا اَمَن . کود ویوا بگو خایی،
 وخوزی هاویوابن داودوخ اموخون طوتا بخا مندی یَن
 دعینوخلوخون بگو طوتا، وان ایلا اذ محکینا بحقوتا عینوخلای،
 بدَم دها بگو غیرتا وبذبتوتا دموخزیلای آنی دیخ دآنی هم بد
 مَلپیلان ومحامیلان ولا مسامح ألاها دپایش میرا طالان دیووخ
 کپاری بگو طوتا اَمَدُ آنی داودلای طوتا اَمَن وکمیویلان خایی*

قِصِتا

پشلی تخیرا بگو دوباری دقدیشتا تریزیا خا گورا مَن
 اِسپانیا شَمیه دون برنردوس ماندوزا، میوخبشلی طالاه خا بیثا
 قَریوا مَن فلادویت تَد مَاسا بگاوی دیرا تا رَنبیاثا دکرمل، ومِن
 بانثر تری یَرخی مِثلی گورا لغفلی وموخزیلی ألاها تا قدیشتا
 تریزیا گیانا دآذی گورا بگو مَطَهَر ولا کَنبِقا مَنی اِلا بگو یوما
 دپایش موقروا بگاوی قوداشا قَمایا بگو هیکلا ددیرا دیلی بِنیا
 خاتا، وبعَدانا مکوملا قدیشتا تریزیا مندی دپشلا بَقَدتا بگاوی،
 وبانثر مَقرووی ددویحنا بگو هیکلا بعَدانا کَشِفلا گیانا داو اواذا

دطوتا تا قدیشتا تخرتا بخذا پاڤا پاقوختا وپصختا. وکمشکرالا اِلد
مِندي داودلا اِما مبار دطوتا *

مَقْصَادِي

مصالوخ مبدل اواذی دطوتا، ویش کبیرا تا میثی *

آوون دوشمیا .. وشلاملیخ مریم.. و من عومقا قریناخ *

صلوئا: هویا میوقرتا وشکرتا بگو کل زونا دیوحئا آلاهایتا

دکپیشا موقروتا اِلد مذبجی دیان *

یوما دِاِشْتائِسر

تَحْمَلْتا اِلد مِصْعایِی دِکَلزما مِپَلوْخایِی تا

مِخَلوْصی گِیْناثا دِیْلاي بگو مَطْهَر * یَعْنی

بگو صلوئا *

تَخْرُوخ بگو دایموئا مارن ایشوع مشیحا دیلی مقولا طالان
دبابیه ازلې بد یاولان کل مندی دطلبوخ بگو شمی. تا ما ها بدم
ناشوخ قولا اذی قولا آلاهایا، و بگو حقوئا اِتا صلوئا خدا قووتا ربا
ایبا داورا لشمیا وخطفا لكرامات دیلاي طلیبی وئخئا لعومقا دخشکا
وآهی طائنا سولایا دیلی لازم. مِپَلْخوخ بدم اذی مِصْعایِی دیلی سانای

تا عيانا گياناڻا دمَطَهَر مِّن سَبَبِ بَگُو صلوثا بَدِ مَقْلُوحِ دَأْرَتَا دَأْنِي
 گياناڻا طرِيذِي لِأَثْرَا دِيْبِيهِي عَزِيْزَا. لَكِن أُوهُ مَأْقَدْرَا بَنِيْناشَا دَلَا
 كِمَصْلَايِي مَبْدَلِ خَلُوصِي دَأْنِي گِيْناڻَا. مِّن دَأْنِ حَشِيْ قَشِيْيِي، إِلا
 حَكْمَا صِلَاوَاڻَا كَمَقْرُوبِلَايِي بَقْرِيروثَا زَوْنَا بَأَثْرَ زَوْنَا بَأُورخَا وَبَزُوْنِي
 أَيْذِيْئِي وَبَأَثْرَ دِيخِ لِيْبِيهِي كِپَارِشِ مَنِيهِي، وَمَأْقَدْرَا زَوْنِي كَفِيْتِي وَلا
 كَمَاپَلخِي آذِي مِصْعَايَا دَخْلَاص. هَاوُوخِ هِشِيَارِ بَدَمِ مِّن دَأْذِي مَنَشِيْئَا
 وَقِيْمُوخِ مِّن دَأْذِ شِنَا دَكِسْلَانُوڻَا وَمِصَالُوخِ مَبْدَلِ مِيْثِي *

قِصْتَا

كَمَخْبَرِيْلَانِ إِدِّ بَابَا بَانَانْتِي: لَا كِمَحْنَطِلُوَا چُو گَاها
 مِّن صِلُوڻَا وَمِنِ عَوَاذِي طَاوِي مَبْدَلِ گِيَانَاڻَا دَمَطَهَر،
 وَمِصَارِفُوا مَصْرَافِي كَبِيْرِي پَاشُوا هُوِيْلَا طَالِي مِّن حَكْمَا
 زَدَائِي مِّنِ أَلَاها وَمِپَلِيُوَالِي إِدِّ مِسْكِيْنِي تَا عِيَانَا گِيْناڻَا دِيْلَايِي
 مِيْثِي يَانَ تَا كَهْنِي دَمَقْرُويِ دِيُوحيِ أَلَاهَايِي تَا عِيَانَا دِيْايِهِي،
 وَإِمْدَ كُلِ نَطَارِي نِذْرَا دِمِسْكِيْنُوڻَا بَگُو كُلِ شِيَارُوڻَا أَيْثُوَالِي
 بِقِلَايْتِي نَطِيْرَا خَا كِيْسَا قَارِيُوَالِي خَزِيْنَتَا دِگِيَانَاڻَا، نَاطِرُوا
 بَگَاوِي خَلْتِيَاڻَا دِمُهَوِيْمِنِي تَدِّ مِپَلِيْلَايِي إِدِّ مِسْكِيْنِي وَسِنِيْقِي *

مَقْصَادِي

مِصَالُوخِ خَمِشِ گَهَاثَا آوونِ دَوْشَمِيَا وَشَلَامَلِيخِ مَرِيْمِ
وَخِذَا گَاهَا تَخُورِ يَا بَثُولَتَا كِينَاثَا دِيلايِ بَگُو مَطَهْرِ، تَدَّ نِيخِي
بِشَلَامَا (خَزِي پَاثَا 52)*

آوونِ دَوْشَمِيَا .. وَشَلَامَلِيخِ مَرِيْمِ.. وَمِنْ عَوْمَقَا قَرِيثَاخِ*
صَلُوثَا: يَا لَبَا دِيشُوعِ قَدِيشَا مَرَاجِمِ الْآنِ*

يَوْمَا دِإِشْوَأَسِرِ

تَخَمَلْتَا إِلدُّ دِيوَحْتَا دَقُودَاشَا آلَاهَايَا

بَگُو كُولَايِ دَارِي كِيپِشَاوَا مَوْقُرُوتَا دِيوَحْتَا دَقُودَاشَا آلَاهَايَا تَا
نِيخُوثَا دِگِينَاثَا دَمَطَهْرِ، دِمَا دِمَارِنِ أَيْشُوعِ مَشِيحَا شُوحَا تَا شِمِي،
كَجَارِي مِنْ رِيشِ مَذْبَحَا هَلْ مَنزَالِي دِيَايِي دِيلايِ بِلَهَايَا نُورَا، وَمَاقَدْرَا
دِگَرَشِي مِنْ دَاذِي مِطْرَا مَرَّ حَيَلَا، أَوْ قَدْرَا بَدِ پَيْشِي مَشُونِييِ مِنْ دَرَا
لِدَرَا وَبَدِ خَاذِيرَايِ بِيهَرَا چَلْبِي وَبَدِ پَيْشِي پِيخِي طَالَايِي تَرِي
دِحِسِ، وَبَدِ خَيْرِي لِشَمِيَا تَدَّ مَبْرَخِي آلَاهَا، وَبَدِ طَلْبِي مَبَدَلِ أَنِي
دِشْرِيلايِ قِيدِي دِييَايِي: مَدَشَنُوخِ بَدَمِ بَمَقْرُوويِ أَنِي قُودَاشِي مَبَدَلِ
بِرْصُويِ دِيلايِ بِيئِييِ لَگِييِنِ مِنْ سَبَبِ آذِي خَا مِصْعَايَايِلِي رَابَا تَا

عیانیہی. وھاویا ثبِتًا لَکِیْبِن مِّن بَأْتِرْ خَلُوصِی دَانِی گَیْنَاثَا مِسْکِیْنِی
بِمِصْعَابِوْثَا دِشپَاخَا دُدِمَا دِمَارَن ایشوع مشیحا طالایہی اَیْبَن تَد تکلوخ
لَعَوْنِکَاروْثَا دِیْبِیْیْہِی وَحَمَایَا دِیْبِیْیْہِی *

قِصْتَا

کِمَخْبِرِیْلَان اِلْدَ خَذَا مِّن رَزَنِیْآثَا دَمَلَاخِی نَاطوْرِی شِمَاه مَرِیْم
دِوَاوَا ثُبِتَا لَکِیْبِیْہِ دَلَایْثَ خَا عِوَاذَا قَدِیْشَا بِش مَر طَوْتَا تَا خَلَاص
دِگَیْنَاثَا دِیْلَايِ بَگُو مَطْهَرْ خَدِیْگَد دُدِیوْحِثَا دَقُوْدَاشَا اَلَاھَايَا، وَکِیْبِرِی
گَھَاثَا مِیْلَاوَا زِدَقَاثَا دَقُوْدَاشِی مَبْدَلْ نِیخوْثَا دِگَیْنَاثَا دِیْبِیْیْہِی: خَاَزْتِوَالَا
بِطَلَابَا زِدَقَاثَا مِّن اُتِیْرِی، وَبِئِوَاذَا شُوْلِی رُوْحَانِیْیِی تَا آذِی غَايَا: وَمِن
بَأْتِرْ مَا دِشْلا قَرِیْثَا اِلْدَ دِیْرَا، اُوْدَاوَا پَرَاْسِی تَا مَذْبَحَا وَمِنْدَانِی خَنِّی،
وَمَشْدِرَاوَالَايِی تَا حَکْمَا اَیْثَاثَا یِن تَا کَھْنِی، دَمَقْرُوْیِی بَطِیْمَا دِیْبِیْیْہِی
قُوْدَاشِی تَا نِیخوْثَا دِگَیْنَاثَا دَمَطْهَرْ *

مَقْصَادِی

حَضْرُوْخِ کُوْدِیوْمِ بَقُوْدَاشَا اَلَاھَايَا وَمَقْرُوْخِ دِیوْحِثَا اَلَاھَايْثَا لَنْیْثَا
دِگَیْنَاثَا دَمَطْهَرْ *
اَوُوْنِ دُوْشَمِیَا .. وَشَلَامِیْخِ مَرِیْمِ .. وَمِن عُوْمَقَا قَرِیْثَاخِ *
صَلوْثَا: یَا مَلَاخَا دَاَلَاھَا دِیْلَا مَوْقَمْتِی مَدْبِرَانوْثَا اَلَاھَايْثَا تَا
نَظَارَن: کَطْلَبُوْخِ مِیْنُوْخِ دَنْطَرِیْتَن وَمَدْبِرِیْتَن وَمَلِیْتَن وَآیْثِ مَرِخْشِیْتَن بَاذ
یُوْمَا اَمِیْن *

یوما دتمنیسر

تَحْمَلتا اِلْدَّ شَقالا قوربانا قَدِشا

بَحَقوْتا دَلِیْثَ لَازِموْتا تَدَّ اُوروخ بَگو پَستتا آخا اِلْدَّ بَقْرِیاثا
لاهوْتایِی تَدَّ مَفْهَموخ تَرزِی دَطوْتا دِکَمَطِیا تا میثی: اَنی دِکِپَرئی
حَطاهِی دِیْیایِهی بَگو شَقالا دَقوربانا مِ ن اُن دِیلاي بیخایِی، وِکَمَلِیا
دُتَخروخ آخا دَاذِی عوَاذا روْحاناِیا دِیْلی بَش رابا مِ ن کولایِی عوَاذِی
دِهیمانوْتا دِکِپاِیش مَشوْبا بَگاوِی اَلاها شوْحا لَشِمی دَلْتِی حَد هَلْ
هاَدَخ کِپاِری رازیلوْئا دِخَطِیْئا بَخا تَرز دِلا کِیاذِی تَخوما دِیْی اِلا اَلاها
بَس. وِکِریاْتا کَمروخ دِیْلی خا عوَاذا رابا وِموکاخا وِپَشْمَنتا وِخَمِموْتا
وَحوبا دِکِیْقَذا بَگاوِیْهی گِیاْنا، وِمِ ن کِیاْنا دِیْیاه عوَاذِیلاي دِپِرئوْنا مَر
طِیما علویا بَپَرِیشوْتا اِن هاوِی مَخْلَصانا اَلاهاِیا شوْحا لَشِمی حَصِیلا
بَگاوِیْهی. وَاِیْث حوسایا پَرِیشا کَبِیرا گَهاْتا تا شَقالا دِرازی دِپاِیش
شَقِیلا بَگو رَوْنی پَرِیشی. وِموْجِب اَنی خَمِیری مَشوْخَلِپی وِمِناْنا رابا
مِ ن مِشَقانی قَرِیلاي تانِیْئا دِشَقالا دِرازی مَبْدَل میثی بَخْبِرا دَأِیوو کِیْنا
دِکاْمِر: دِری لِخْموخ رِیش قُورا دَرْدِیقا. پَرشوخ بَدَم خاشِخوْئا دِشَقَلِیاْتا
دِیاْن دِرازی مَبْدَل گِیْناْتا دِمَطْهَر بَش کَبِیرا مَبْدَل اَنی گِیْناْتا دِیووخ
لَزِیْمی بَگاوِیْهی بَخا تَرز پَرِیشا یِن بَگو پِراْئا دَحَقوْتا یِن بَگو اُورخا
دَطوْتا*

قِصَتَا

كِمَخْبِرِيْلَانِ اِلْدِ قَدِيْشَتَا جَرِيْتُوْرَدَا، مَقْرُوَاوَا تَا كِيْنَاثَا دَمَطَهْر
شَقْلِيَاثَا دِرَازِي دِيْيَاهِ كُوْلَايِي وَكُوْلَايِي طَاوَاثَا رُوْحَانَايِي دَايْنُوَابَاهِ لِمَطَايَا
اِلَايِي. بَغُو عِدَانَا دِقْرَاوَا دَمُوْثَاهِ كِمَمَمَثَلَا سَطَانَا لِيْطَا خَذَا تَجْرِي
وَبِيْلِي دِمَحْوَلِفَلَا بَقَطَا دَامُوْد. مَارَن شُوْحَا لَشْمِي پِشَلِي خَزِيَا طَالَاه
بِعِدَانَا وَمِيْرِي طَالَاه: تَد مَفِهْمِنَخ مَاقْدَرَا قَبِيْلَايِي لَكِيْبِي اَوْ حُوْبَا
دِمَخْرِيْتُوَالِي تَا دِكِيْنَاثَا دَمَطَهْر بَد شَوْقِن مِيْن دَهَا وَزَالِي كُوْلَايِي عُوَادِي
دِيْلَايِي حَضِيْرِي دَكْدَشِي قَاْمَخ بَغُو مَطَهْر وَزَاوَدَا مِيْن دَاذِي بَد مَزِيْدِن
تَا شُوْحَا دِيَاخ پِرُوْنَا اِلْدِ حُوْبَا دِطْنِنَخ بَس كَلْرَمَا دَاوَدْت پِيْرِي دِعُوَادِي
دِيَاخ طَاوِي تَا اَيْقَارَا دَبِيْنِي دِيْلَايِي بَغُو مَطَهْر *

مَقْصَادِي

مَقْرُوُوْخ شَقْلِيَاثَن دِرَازِي تَا عِيَانَا دِكِيْنَاثَا دِيْلَايِي بَمَطَهْر *
اَوُوْن دُوْشْمِيَا .. وَشَلَامَلِيْخ مَرِيْم.. وَمِيْن عُوْمَقَا قَرِيْنَاخ *
صَلُوْثَا: هَاوِي بِيْئَا بَغُو كَل دُوْكَانِي لَبَا دِيْشُوْع قَدِيْشَا *

یوما داتشسر

تخملتا إلد حوسایی

عیتا قَدیشتا دیلا ملیئا رَحْمی وحبوا دِکیناِنا دیلاي معذوبی
بگو ایدانئا دین غیر مین صلوتا و دیوحئا دقوداشا آلاهایا و شقالا
دقوربانا قَدیشا، نبوءا دطاوائا دلاتي خلاصتا تا میثی. خدا خیزنتا
خرتا مَر طیما مانی حوسایی. و آني حوسایی خکما عوادیلای
پشیطی وسانای خدیگد أورخا دِصلیوا وریسوقتا دمَرْت مَریم و تَمَامِتا
دشولی خنی روحانایی، إلا کِمواجِب إلان تا خاتِر دماطوخ لآني
حوسایی، کَلزما دهاووخ بحال دَنعَمی وِبگو حَقوئا هَم مَاقَدرا رابیلی
مِنیانا دحوسایی دأبین دماطوخ إلابهی کودیوم تا کیناِنا دین، و مَاقَدرا
رابیلی هَم مِنیانا دحوسایی دأبین دماطوخ إلابهی تا نیخوئا دِکیناِنا
دمطَهَر. رَخشوخ بَدَم و زالان لَکبید نَبوئی دِمَخَلصانا، و گَرشوخ مین
خزنائا دیه، مین سَبَب دألاها و عینا هولای دِریابهی إلد آني بسانایوئا
دان مَنشوخ مَنبهی لا کَقابِلا عِلئا دین *

قِصتا

کَمخَبریلان إلد بَختا خدا شِماه مَریم گونبو خزیلا خا خِلما
بگو خایی دیاه. کِمحارِکلان دِمَتَخِمَلوخ باِتروئا دِخزنائا روحانایی
وادیلی: مشونیا بروحا لِحذا دوکئا روختا وِبگو پَلگا خدا اودا رِبئا

مکوسیئا بدهوا وسیما ویاقوندی و مرگنیئا، و من کل ترزی دکییی
 طاوی. و شمیلا خا قالا دیلی بایمارا طالاہ: آدی خیزنتا هولاً موحدرتا
 تا کل آوا دکییی بد شاقل میناہ مندی دبائی و دیلی سنیقا إلیہ*

مَقْصَادِي

پرشوخ تا گیناٹا دیلای بمطهر کل حوسایی دایبن دماطوخ
 إلیہی بآذ یوما*

آوون دوشمیئا .. وشلاملیخ مریم.. و من عومقا قریناخ*

صلوٹا: یا بابا آزلی کمقرووخ طالوخ دما دمارن ایشوع مشیحا
 مر طیما مبدل حطاهی دین و تا سنیقواٹا دایتا قدیشتا*

یوما دِاسِرِي

تَحْمَلْتَا إِلْدُ أَوْخَا دِصَلِيوَا

عودوٹا تا حشی دمارن ایشوع مشیحا بگو حقوٹا دیلا من
 عواذی روحانایی آن بش قبیلی کبیرا گیب لبا دیشوع آلاهایا، و من
 مصعایی آن بش حقانی بگو کبیرا تا دمرخشیلان ونبلیلان گیب
 قدیشوٹا حقانی. من سبب بگاویہی بد آیدوخ دلا جیہوا طیموٹا
 دخطیٹا وزدوٹا قدیشتا من کینوٹا آلاہایتا؛ طاواٹا مشیحایی کولای
 هولای مپوشقی بگاویہی لا بگو تئاٹا بس إلا ہم بگو مٹلا دیلی من

مَتْلَى دِبْرْدُ أَلَاها دِغْرِقْلَى بَگُو عومقا دَبْلَايى كولايهي. ومبوخيشلاي
 پاپاواثا حوسايى كَبِيرى تا كل أَنى دَاتاي عيادا دَمِپَلُوخِي عِبَادى
 دَأورخا دِصَلِيوا. وكَبِيرى مِّن بَنِيناشا زَدائى مِّن أَلَاها كَمِپَلُخِي أورخا
 دِصَلِيوا كوديوم بَيْن قِصَا ما دهاوى كل يَوما دِعروتا تا نيخوئا دِگَيِنَاثا
 دَمَطَهَر، أَنى دويوا عَزِيزى إِلايهي ريش أَرءا. مِپَلُخوخ بَدَم مَأَقَدرا
 دَأيبِن أَنى شانايَاثا دِيلاي مقودشى بَگُو حَشا دَمَارَن أَيسوع مَشِيحا
 وَأَنى شانايَاثا كِمَشَخَلِپِي لَنبَوئى شِپِيخى تا عيانا وَخَلِاص دِگَيِنَاثا
 دَمَطَهَر *

قِصَتَا

بابا أَنْجِلْفِين مِيرى بَگُو خا مِّن لِيلاواثا: إِن كَدِشلا بَأذ لايلى
 ورَأشوخ بَگُو شِنثا دِيْن أَخني بِشِماءا قالا: نورا .. نورا.. بَگُو حَقوئا بَدُ
 مَكِسلوخوا ؟ كَلُو ولا كَقِيموخوا مِّن شوپِنن بَاراقا لِعيانا دَأني پَرِصوِپى
 دِيلاي بَقِيادا. لکن ما أَمروخ إِلد مَطَهَر، لِيبن كَلُو دَمِرِقَلُوخلى إِمد
 آذي نورا قِصَا شود أَنى حوسايى دِمَحْصَلُوخِلاي لِيبى دَمَدِيخى أَنى
 نورى إِلا بَگُو حَقوئا وِدلا شِك دِيلاي خَدِيگد مايى قَرِيرى تا كَيِنَاثا
 مَسكِنى دِيلاي رَهين دَكِينوئا آلاهايتا وِپَرِشايِلا تا أَنى حوسايى
 دِمَحْصِلِياي مِّن عودابى كولانائِث *

مَقْصَادِي

أُوذُوخُ كُلِّ عَرُوتَا يَنْ بَغُو عَرُوتَا قَمِيثَا مِنْ كُلِّ يَرِخَا أُوْرخَا
دِصَلِيوَا تَا نِيخُوْتَا دِگَيِنَاثَا دِيَلَايِ بِمَطَهَّرْ *
أُوونِ دُوْشَمِيَا .. وَشَلَامَلِيخِ مَرِيْمَ .. وَمِنْ عُوْمَقَا قَرِيثَاخْ *
صَلُوْتَا: هُوِيَا مِيوَقَرْتَا وَشَكْرَتَا بَغُو كُلِّ زُوْنِي دِيُوْحُنَا أَلَاهَايْتَا
وَقَدِيْشْتَا دِكَبِيْشَا مَوْقَرُوْتَا رِيْشِ مَذْبَحِي دِيَانْ *

يُومَا دَخَا وَاسْرِي

تَخَمَلْتَا إِلدُ رِيْسُوْقْتَا

مَرْتِ مَرِيْمَ كَشَمْنَا بَغُو كُلِّ بَسِيْمُوْتَا بَغُو كُوَلَايِ زُوْنِي لِصَلُوْتَا
دَرِيْسُوْقْتَا مِنْ سَبَبِ آهِي بَغِيَانَاهِ گُوِيَلَا آذِي صَلُوْتَا وَكِمَقْدَمَالَاهِ إِلدُ
خَنِي وَإِنْ خَازَتَا إِدِيوِ يُوْمَا لَرِيْشِ مَذْبَحَا شَقَلْتَا بَايْزَاهِ أَذْ نِيْشَنْ مِيوَقَرَا
نِيْشَنْ دَاذِي عُوْدُوْتَا، لَا كَنَاشِتْ دَنَخَرِتْ دَاهِيَلَا دِكَلْزَمَالَانِ بَاذِي
صَلُوْتَا. لَا مَعْجَبُوخِ بَدَمِ مِنْ مَعْبَدْنُوَاثَا مَعُوْجَبِي دِكَبَارِي مِنْ دَاذِي
عُوْدُوْتَا وَمِصَالُوخِ بَغُو كُلِّ تُوْكَلُوْنَا رِيْسُوْقْتَا دُوْرِدِيَا كُوْدِيُوْمِ وَهُوِيَا نَبِيْتَا
لِغِيْبِنِ دِيَلَاهِ طَالَانِ خَا نَبُوْءَا دَطَاوَاثَا دَلَا كَكَايِتْ، وَبِدِ تَخْرُوخِ دِيَلَاهِ
مَرْتِ مَرِيْمَ لَا بَسِ يَمَا دِمَشِيْحَايِي كُوَلَايِي، بَلِ خَا نَبُوْءَايِلَا پَرِيْشَا تَا
آنِي گَيِنَاثَا دِيَلَايِ بِيْنِي لِأَلَاهَا شُوْحَا لِشَمِيْهَةِ وَأَنِي مَعَاذُوْبِي بَغُو مَطَهَّرْ

وَمِنْ حَقِيقُوثَا دَكِينُوثَا دَارُوخ بَغَاوَاه مَبْدَالَايَهِي وَأُوذُوخَلَا مَحْمِيَانِيثَا
طَالَايَهِي كَيْبِد مَارَن أَيشوع مَشِيحَا وَلَا شَوْقُوخ خَا يَوْمَا دَفَايِت دَلَا
مَصَالُوخ رِيَسُوْقَتَا تَا عِيَانَا دِكَيْنَاثَا مِسْكِينِي دِيلَاي مَعْدُوْبِي بَعُوذَابَا
دَمَطَهَر *

قِصْتَا

كَمْخَبْرِيَلَان اِلْدُ خَذَا مِنْ رَنْبِيَاثَا دَقُوْرِيَانَا قَدِيْشَا شَمَاه فَرَنْسِيْسَا،
أَيْث وَاَلَاه خَا حُوْبَا كُوْلَانَايَا وَغَيْرِيْتَا تَا كَيْنَاثَا دِيلَاي مَعْدُوْبِي بَغُو
مَطَهَر، وَكُوْدِيَوْم مَصَلِيَاوَا طَالَايَهِي رِيَسُوْقَتَا دَقَارِيَاوَاَلَاه مِلْنَانِيْشَا
دَزَادَاقَات كَبِيْرِي. وَخْتَمَاوَا كُل تَرَعَا مِّنَاه: هَلِّي يَا مَرِيَا نِيخُوْثَا أُبْدِيْنِيْتَا.
وَبَعْدَانَا دَخَلْصَاوَا مِنْ شُوْلَاه مَزِيْدَاوَا لِيْصَلُوْثَا دُوْرْدِيَا صَلُوْثَا قَانُوْنِيْتَا
دَمِيْثِي وَصِيْمَاوَا يَوْمَاثَا كَبِيْرِي لِخَمَا وَمَايِي تَا عُوْنَكَارُوْثَا دَانِي كَيْنَاثَا
وَلَا مَحَلَقَاوَا مِّنَاه أَي لُوْشْتَا خَلْمَتَا وَقْشِيْثَا، وَپَرَشَاوَا تَا كَيْنَاثَا دَمَطَهَر
شُوْلَاه وَجِيْهَوَا دِيَاه وَعُوْذَابَاه *

مَقْصَادِي

مَصَالُوخ رِيَسُوْقَتَا دُوْرْدِيَا تَا نِيخُوْثَا دِ كَيْنَاثَا دِيلَاي بَغُو مَطَهَر
وَقِصَّا مَا دَهَاوِي كُوْدِيَوْم خَا تَرَعَا لِنِيْتِيْهِي *
أُوْرُون دُوْشَمِيَا .. وَشَلَامَلِيْخ مَرِيْم.. وَمِنْ عُوْمَقَا قَرِيْنَاخ *
صَلُوْثَا: يَا لَبَّا دَمَرِيْم حَلُوْيَا مَخَالِصَلَان *

یوما دتري وِاسري

تَحْمَلتا اِلْدُّ ثُوبا دمارت مَرِيَم

مبيني كل عبادات تا مَرَت مَرِيَم بئولتا اَنِّي دكوزيلان دُداروخ
إلا توكلونا دِيان تَدَّ خَلصوخ مِن عوذابي دَمَطَهَر وِمَخَلصوخ كَيِناثا
قَطِيئِي. وَعَوَدوثا دِيلاه بِش رَنثا وِعلينا؛ عَوَدوثا يلا دَثُوبا دِياه قَدِيشا.
مَرِيَم بئولتا يَمَّا دَأَلاها آهي بِيگياناه ختِلا وِمَقولاه تا قَدِيشا مار
شِمعون كل آوا دطائِن آذي ثُوبا وِناطِر مِندي دِلي لازم يَعمي صلوثا
وَأَمِنوثا وِناذيفوثا، لا كِمعاذِب بگو خارثا إَلا خا مِندي قِصّا. وِمآذي
سَبَب إِنْ طانُوخ بگو پَقَرتا دِيان ثُوبا دمارت مَرِيَم دَكِرَمَل بگو كل
پِصخوثا وِصِيبوثا بَدَّ خَلصوخ مِن عوذابي دَمَطَهَر يَوما دَشَبِثا دِكناپِل
بائِر ماوُئِن هادِخ هَم اُن دِيلاي مِشوركي بَثُوبا دِبطنا دِلا موما كيانايا
أَيث بگاويهي طاواثا تَدَّ مَحْصِلي حوسايي كَبيري كَمِلي پَرِيشي تا
نِخوثا دِگَيِناثا دَمَطَهَر كل گاها دِمِصالاي إِشْتِ گاهاثا آوون دَوَشَمِيا
وِشلامِليخ مَرِيَم وِشوحا وِمِصالاي لِنِيتا دَعِيتا وِدمارن پاپا*

قِصِتا

كِمخَبِرِيلان إِدَّ خا مِن باباواثا روحانايي كَشِيرِي شَمِئِي
يُوحَنَن: مِعاَجِبوا كَبِيرا مِن طاواثا روحانايي دِيلاي مِپویدی بگو لَواشا

دَثُوبَا دِمَارْتِ مَرِيَمَ دِبَطْنَا دَلَا مَوْمَا كِيَانَايَا وَمَأْذِي سَبَبَ بئِيلِي دَاوَدَلَا
 كِيَانِي شَلِيحَا تَا أَذِي شَرِيكُوْتَا وَمَشُورِيلِي بَبْرَاشِيهِي مِّنْ كِيَانِي أَنِّي
 حُوسَايِي تَا نِيخُوْتَا دِكِينَاثَا دَمَطَهَرٍ وَمَصَالِيوَا كُودِيَوْمٍ إِمَّا كَاهَاثَا أَنْ
 إِسْتِ آوُونِ دَوْشَمِيَا وَشَلَامَلِيخِ مَرِيَمَ وَشُوحَا. شَقْلُوخِ دُومِيَا مَنِي بَدَمَ
 وَرَخَشُوخِ بَشُوِپَايِي. كَرِيهِي وَمِسْكَينِي أَنِّي دَلِيْبَايِي دَاوَدِي چُو مَنَدِي؛
 أَيِّي بَأْذِي مِصْعَايَا دَاخْلِي غَمَ بَغُو كَلِ قُورُوْتَا وَكَشِيروْتَا لِعِيَانَا كِينَاثَا
 دِيلَايِي بَمَطَهَرِ *

مَقْصَادِي

طَانُوخِ إِيْلَانِ نُوْبَا دِمَارْتِ مَرِيَمَ وَبَرَشُوخِ حُوسَايِي دِيئِي تَا كِينَاثَا
 دَمَطَهَرِ *

آوُونِ دَوْشَمِيَا .. وَشَلَامَلِيخِ مَرِيَمَ.. وَمِنِ عُومَقَا قَرِيْنَاخِ *

صَلُوْتَا: هَاوِي بِيئِيَا بَغُو كَلِ دُوكَانِي لَبَا دِيَشُوعِ قَدِيْشَا *

يَوْمَا دِتَالَاثَا وَإِسْرِي

تَخَمَلْتَا إِذْ صَدَقَات

لِيئِي كَلِ بَرَنَاشَا دَاوَدِ أَوْ مَنَدِي دَاوَدَلِي كُورَا كَبَّارَا رُوحَانَايَا
 يَهُودَا مَقْوَايَا، مِّنْ سَبَبِ مَشُودِيرِي لِأُورِشَلِيمِ تَرَسَّرِ أَلِيي دَرَهَامِي
 دَسِيهَمَا دَبِيْشِي مَبُولِي مَبْدَلِ صَلَوَاثَا تَا كِينَاثَا دَانِ دِيلَايِي مِيْثِي. وَقِصَا

أيلاي آني دَقِصَّا ما دهاوى دأوذي صَدَقَا دأي أرمِلثا ديلاه تخرتا بگو
 أيونگاليون قَدِيشا ديلي ميوقراه مارن ايشوع مشيحا كود دريلا بخيزنتا
 تري پلسى دَيَّاه وميرى إلاه قَدِيشا مار مَرَقَس إيونگالايلا: دريلاه كل
 مندي دأيثوالا: مَپَلووخ هَم أَخني صَدَقَات مَبَدَل أَخِنوَأَن ديلاي
 مَعذوبى وِبِد بارى طالايهي سولايلا رابا وَعِينوخ لآني ديلاي حَشَّانِي
 ريش أرثا. وَمَسالوخ لَأَن دِكباخي لَقوراثا وداروخ فِلَسا دارمِلثا بأيدا
 دِمِسكينا يَن مَقدموخلاي شَرِيكوثا دِپِرئونا مِن سَبَب آهِيلاه واكيلتا
 دَجِيس بگو مَطَهَر وِبِد مَدِخ لنورا وِبِد پائِخ لباتى دِحبيسى وِبِد
 مَخالِص لَأَن ديلاي يَسيرى *

قِصِتا

قَدِيشا هيرونيموس مَعاجِبوا وآهو حيرا مِن زدوئثا دألاها دويوا
 مَطِيا إلاه أولداس دَيِّيى باماك وخميانا دَقَدِيشتا پولى تا بَخْتى دواوا
 ميئثا. مِن سَبَب تامامتا دگورى ديخ دِكِمِر آذي مَلِپانا أَيذينا كِمَخَللي بگو
 وَردى قوراثا دناشى دَيِّيابهي تا خاتر دَمَخَزِي بأذ نِشَن حوبا دَيِّيابهي ومِيل
 دَيِّيابهي صوبِبهِي وحَشَّا دِكراشِي بگاوى تا موثا دَيِّيابهي. باماك مَخَللوا
 بگو زدِقائِثا خَدِگَد أَيلاي بِسما مَر طيما اَلِد شَخِينتا دَقَدِيشتا پولينا وَاَلِد
 كَرْمى دَيَّاه ميوقرى. وبگو آذي عِطرا شَميانا مِياقروا قوراه وِكياولوا نِخوِثا
 تا گياناه مِن سَبَب ياذيوا ديلي كئيووا: ديخ دمايى كَمَدِخي يوقدونا دنورا،
 هاَدِخ زِداقى كَمَحيا خَطِيبِثا *

مَقْصَادِي

مَپْلُوخ زَدَقَات تا نِيخوئا دَكِينَائا دِيلاي مَعْدُوْبِي بِمَطَهَر *
آوون دَوْشَمِيَا .. وشلامليخ مَرِيْم .. وَمِن عومقا قريئاخ *

صلوئا: يا لَبَا ديشوع حَلويا هوي حوبا دِيان، يا لَبَا دَمَرِيْم حَلويا

مخالِصلان *

يوما دَأرْبا وِإسري

تَحْمَلتا إِلد شوقانا دِحطاهي

أيدوء يا مشيحايا: وَصَيِي دِيلا بِش عَسَقِي تا مَپْلُوخِي وِبِش
يَقورتا إِلد كيانا ناشايا مِّن بِيْنِي پوقداني دِمَارَن أَيَشوع مَشِيحا أَيايلا
دِكْپاقِذلان بَگو حوبا دُدِشْمِنِي وَأواذا دَطوئا إِمِيهِي، وَأَذِي خذا
مَيْتروئاَيلا آلاهايتا وَايلا خا مِيل كيانايا دِيخ دَميرِي مَر بَرْتَرْدوس.
وَأَذِي نِيشَن حَقاني دِمَشِيحا پَرِشا مِّن سَبَبِ إِن بائِي بَرناشا أولدashi
دِيي لِيلى آذِي خا مَندي مِّن سَبَبِ بَنِيناشا كولايهي كوزي أَذ مَندي،
إلا بايَا دُدِشْمِنِي لِيبي چو ناشا داوْذلي إِلا أَني دِيلاي مَشِيحايبِي
حَقاني. سانايلا دَها طالان دَفْهَموخ دِإن شَووق تا أَخِنواثَن مِّن كولي
لِيْن تا إِقارار دَكِينَائا دَمَطَهَر، وِبِد عَيْنوخلاي باذ مَندي خذا عَوْنكاروئا
رَبْشا. وشود لا كِيَشوخ مروزلي إِلان إِلا گاهانا قَصِي إِمد كولا آذِي
كخازوخ كوديوم بَنِيناشا نوقصان حَنِينوئا طالان يِن أَخني تا خَنِي

نوقسان حوبا ورحمی إمیهي. أخلوخ غم بدم تد أودوخ إمیهن طوتا
 مشیحايتا ومقرووخ تا گیناٹا دمطهر کولاي خلی دیان دکمپلخوخلاي
 تد پیشي قبیلی ومر طوتا طالايهي *

قصتا

کمخبریلان إلد أمیرتا صوفیا کود أیدینلا دپشلی حکیمبا بگو
 قریوا إلد لیبتاجي بگو موٹا من سبب بیوالی دقاطل ملکا فرنسیس
 یوسپ وأهو جونقا وجریحی ویوا: متوخملا بگیاناه ومیراه: بگو حقوٹا
 ایٹ گلو باڈي ملکوٹا ربٹا وروختا خا دمتخمل بگو صلوتا مبدل گیانا
 داڈي گوٹھکار، وماڈي سبب کبن دشقلن لگیانی اذ واجیبوٹا
 دکلزمالان بگاواه هیمانوٹن قدیشتا ونشین دیلی مسوبا طالی حشا
 قشیا وکیوی مریری دگگدشی للبا دیما بگیاناه ومن سبب دیون
 مشیحتا بد مقرون قوداشی بگو کل شاتا تا نیخوٹا دگیانا داڈي
 مسکینا *

مقصادي

أخلوخ غم لشواقا کل نوقصنواٹا زوری دکباري طالان وهاووخ
 بسیمی إمد پرصوی آئی دلا کبایلان *
 آوون دوشمیآ .. وشلاملیخ مریم.. ومن عومقا قریناخ *
 صلوتا: یا بابا ازلي کمقروخ طالوخ دما دمارن أیشوع مشیحا
 دیلی مر طیما وتا پراء دخطیایا دیان وتا سنیقوٹا دعیتا قدیشتا *

یوما دخمشا وِاسِری

تَحْمَلتا اِلْدَ کِیوی

بَرناشا هولی هویا تا کیوی وِعَوَقانی وِگَلو مَن ایلِی آوا دِلا
کَتَقِی بگاوی کیوی یان دِلا کِگادِش اِلیی حِشا یَن مَن ایلِی آوا دَلِیلی
بِخیا لِرِش ساوا یَن اِلْدَ یالا زورا، وِامَد آدی کولا اِیمِیلی آوا دِکیادِی
دِشاقلِ طاوتا مَن حِشی. وِیگو حَقوئا اِن طانوخلاي اِنی کیوی بگو
مَسِیرانوئا مَشِیحِیتا بَدِ ماطوخ لِحذا خاشیخوئا رِثا وِیدِ خازوخ خا
مِصعايا رابا تا عِیانا لِگِینائا دِیلاي بگو مَطَهَر، وِماذِی سَبَب کلازما
طالان بگو جیهوی وِیگو جِعِیزوئا وِبولبالا، وِیگو عِدانا دِکیوی
روحانایِی وِکیانایِی دِتانوخ اِنی تانیائا دِیلاي مِیری لِمارَن اِیشوع
مَشِیحا بگو بَسْتانا دِزِثی مَقَم مَوِثِی: یا بابِی عِجبونوخ هاوی ولا
عِجبونِی، وِمَقَرِووخ تا اِلاها کودِیوم کیوی دِیان پِرِئونا مَبَدَل حِطاهِی
دِیان وِتا خِلاص دِگِینائا دِیلاي بگو مَطَهَر، وِهویا تِبْتا لِگِیبن دِالاها
بَدِ پارِئلان مَبَدَلایِهی بگو اُن خایِی وِیگو اِنی خایِی حِثی *

قِصِتا

کِمَخْبِرِیلان اِلْدَ خدا مِین رَنْبِیائا دِمَدِیرانوئا اِلاهیتا وِماَسَنِیئا
دِکِشِا دِرَنْبِیائا: عِیْنِیائا دِمَطَهَر، رَأْشلا بگو عِدانا دِمَحْضوِری مَذِیتا

دپاریس بگو شاتا 1781 و آهي قروتا لميائا طأناوا و مسيبرواو كيوى
 عسقى و مزديانى. و مشوريلأ اىگاها متخمولى بگو أن دميشوا ولباه
 كولى محاركوا لرحمى تا آنى گيناثا دپيشوا نقيلى من أى شرى ريثا
 و مزديانينثا تا خاى دأبدينايوثا. و قالا دطوپاثا مابينوا قماه خديگد ايلي
 بر قالا دمطهر بطلابا رحمى من بيخاى و ماقدرا دزيديو ترقعاثا
 دطوپاثا آهي معيطاوا بش كبيرا و أمراوا: يا ألاهي كما من گيناثا
 كپيشي خزيى دها قاموخ يا ايشوع مراحم إلايهي. وياثر ديخ تئاوا
 محكايشاه و أمراوا ليبي دمتخملان إلا بگو آنى گيناثا دكأوري
 لأبدينايوثا دييايهي. و آذي خدا حقاوئالا قبلتا و كلازما داروخ بگاواه *

مَقْصَادِي

قَبْلُوحِ كِيوى دِكْپِيشِي مَشُودرى طالان من أَلأها و مَقْرُوءِ خِلاي
 طالوخ يا ايشوع تا نيخوئا دِگِنَاثا دِلاي قَطِيئى دِلائى چو ناشا
 دِتاخِيزِي *

أوون دوشميا .. وشلامليخ مريم.. و من عومقا قريئاخ *

صلوئا: هويا ميوقرتا و شكرتا بكولاي زوني ديوحئا آلاهايتا

و قديشئا دِكْپِيشا موقرَوتا لِرِش مَذبِحى دِيان *

یوما دِاشتا وِاسِري

تَخْمَلتا اِلْدُ مَموْثی دَعِجَبونا وِقْطائا مِین

میخولتا کیانیتا

ایذوء یا مشیحايا: لا بریثایلا بگو قراین تواریخ قَدیشی دلا
مَعَجَبوخ مِین صَوْمی قِشیی داوْذیوالای خا ساما مِین حَطایی تِیاوی
پَرئونا مَبْدَل حطاهی دِییاهی یَن تا دَارا دَحَطایی لِنِیاووثا، یَن تا
خَلاص دِگِنائا دِیلاي معاذوبی بَمَطَهَر. وِان اِیلا عَسقا اِلان مَدَمویی
بِگاوِیهي وِلِیَن دِماطوخ اِلی، سانایلا طالان کَبیرا دَثَبُوخِلاي قِصّا ما
دهاوی مِین رَحوقا وِپَلخوخ کودِیوم وَاخنی بَمَقْرُووی تا اِیشوع مِصعایوْثا
دَمَرْت مَرِیم حَکما صَوْمی زوری تا عِیانا گِنائا دَمَطَهَر خَدِیگِد نَطارا
دِخا قانونا یَن تا طَانا دِخذا تَثِیثا تا حویبا دَآلاها شوْحا لَشْمِیهِ، یَن
اُوادا دِخا عواذا مَجْهَیانا وِکَموْلی دِخا قانونا دِلا دَرَدَمْتا وِمنَقوْصی
بِأِیخالا وِگَوایا دِمیخولیاثا دِلا کَبَسْمی تا طِمْئا دِیان وَاْنی کولایهي
عواذیلای دِصوما وِلا بَس کَمَمَطِی زَرر لَساخوْثا دِیَن اِلا هَم دِلا شِک
کوزی طاوْتا رِبْثا تا گِنائا دَمَطَهَر قَدیشی، اِن مَکْمَلوْخِلاي بگو روحا
دِهیمانوْثا*

قِصَتَا

طوانیثا أمبلیا دیلا خدا مین رینیاثا دمار عبدالأحد ریسْتا ددیرا
دقدیشتا مرغارینا بگو مذینا دپرسیل محرکاوا کبیرا لرینیاثا دیاه تَد محصلي
خاشیخواتا دطاعا ومحرکاوالاي تَد مقروي آدي مندي تا گیناڤا دمطهر.
وایثوا بینی قانونی درینیاثا: دلا شاتی بینی ایخالا لإیخالا دلا دستور پریشا
مین ریسْتا وآهي ایشوالا عیادا گلزاولاي مین دستور تا خاتر دمعبذا بگو
رینیاثا دیاه تَد ماطی لفورسا دتیاووڤا بگو کل سانایوڤا. وأخلوا عم لإواذا
ساناي طالایهي بگو مناعا دهولا دستور وآهي محروگیهي تَد مقروي
صهوا دئیایهي تا ایشوع صلیوا مبدل نیخوڤا دگیناڤا دمطهر *

مَقْصَادِي

أودوخ حَکما عوادی دصوما تا نیخوڤا دگیناڤا دمطهر *
آوون دوشمیا .. وشلاملیخ مریم.. ومن عومقا قریناخ *
صلوڤا: یا لبا دیشوع قدیشا مراجم إلان *

یوما دشوئا وإسري

تَحْمَلْتَا إِلْدَ مَسِیْرَانوڤَا وَطْئَانَا صلیوا

خایی دیان لا بس ملیلیای صلیوی زوری وجیهوی قصی
دکودیوم. إلا هم ایث بگاویهي خا فححص رابا وخسارات کبیری وتوارا

دلباواڻا وَايمَن دپايش خزيا طالان كل مندي ديلي خاوذراني دين هولی
 بخراوا بد رَشوخ اِيگاها لسنيقوڻا دِطلابا لألاها وتاما بد پيشا دبتا
 لگيبن دايبَن داودوخ طوتا تا اَني ديلاي شويقَن وَاخا بگو آذي خا
 سولايا رابا ايڻ تا لبواڻا دين. مَن سَبَب مَشِيحَايا لا كباخي چو گاها
 خديگد آوا دلاتی اَمود. دِمنی دين ديلي مقودشيهي مارن ايشوع
 مشيحا کود بخيلي لريش قورا دلعارر، اَيِي دمقيمي بگو خا ترز
 مندي لآتي ديلي شقيلايهي موڻا مَن بينائَن اِن طانوخ بگو مسيبرانوڻا
 لفحص رابا ديلي دريا اِلان. مسپويي دِعجبونا دين تا ألاها ديخ
 دميري ملپانا طاوا کوتيئيل: كيودلا خاشيخوڻا دين مَر طيما ومآذي
 سَبَب اِن پَرشوخلا تا گيناڻا دمطهر ايبا دمکريا يوماڻا دپرونوا
 دييايهي *

قصتا

کِمخبريلان اِلد قديشتا ماتيلدا کود ميئلي گورا ملکا هانريکوس
 آوا دبأپاوالي خا حوبا زودانا لا مسويپلا گيانا لقطاع دامود اِمد کل
 زروڻا دتوارا دلپا دايثوالا مَن حشا اِلا مسويبيرا آذي خسارا
 دِمشوديري طالاه ألاها. ومَتخملوا دمِصعايا لحدايا ومَر طوتا
 تا اَي گيانا عزيزتا، وخِلا غَم دياهُ لئيل مَحَدٌ وهَلْ هادخ مپولپلا
 اَلپايي دزدقانا دقوداشی واودلا زدقانا کييري اِمد مسکيني ويلخلا

هَلْ مَاقَدْرَا دَهَوْنَا دِيَّاه نَاشَايَا هَوْلِيْبِي دَمَعْبِذِ بَگُو خَمِيْمُوْنَا دِيْبِي تَا
حَوْبَا اَلَاھَايَا وَنَاشَايَا *

مَقْصَادِي

بِدِ مَسِيْبِرِنِ بَسِيْبُوِي دَعَجْبُوْنَا بَکَلِ خِسَارَا دِيْبِيْشَا مَشُوْدَرْتَا
طَالِي مِّنْ اَلَاھَا تَا عَيَانَا كَيِّنَاثَا دَمَطَهَر *
اَوُوْنِ دَوْشَمِيَا .. وَشَلَامَلِيْخِ مَرِيْمَ .. وَمِنْ عُوْمَقَا قَرِيْثَاخ *
صَلُوْنَا: هَاوِيْ عَجْبُوْنَا دَاَلَاھَا دِيْلِيْ كُوْلِيْ كَيْنُوْنَا وَحُوْبَا مِيُوْقُرَا
وَعَلُوْبَا بَگُوْ کَلِ مِندِيْ هَلْ اَبْدُ *

يَوْمَا دَتَمَنِيَا وَاسِرِي

تَخَمَلْتَا اِلْدُ مَرْتِ مَرِيْمِ دِيْلَاهِ يَمَّا دِكَيِّنَاثَا دَمَطَهَر
اَذِي شِمَا مِيُوْقُرَا: يَمَّا دِكَيِّنَاثَا دَمَطَهَر: كِمَامِرَالِيْ تَا كَيَانَاهِ مَلِكْنَا
دِشَمِيَا كُوْدِ پِشَلَاهِ خَزِيْثَا تَا قَدِيْشْتَا بَرِيْجِيْثَا وَمِيْرَا: اَنَايُوْنِ يَمَّا دَکَلِ
اَنِ دِيْلَايِ مِيُوِيْدِيْ بَگُوْ دُوْکْنَا دِپَرِيْوْنَا. شِپَلِيْپَاثَا كِمَقَلَقَلِيْ عُوْدَاْبَا
دِيْلِيْ حَتِيْمَا اِلَايْهِيْ مِّنْ سَبَبِ خَطِيَاثَا دِيْبَايْهِيْ وَبِحَقُوْنَا اِنِ قَدِيْشِيْ
بِيْرَدِيْسَا شَمِيَانَا اَيْبِيْ بِشَفَاعَا دِيَّاهِ دِمَحْصَلِيْ نَعْمِيْ تَا اَنِيْ كَيِّنَاثَا،
مَنْ اَيْبِيْ دِنَاکِرِ دَمَرِيْمِ بَثُوْلْتَا دِيْلَاهِ بِشِ رِيْثَا مَنَايْهِيْ بَگُوْ

پيشا بيد اِتا خَيلا بَش رابا مَن قووتا دِيياهي تا گَيِناثا دمَطَهَر،
 وبِپَرِشوئا مَسَبَب اِيئا كَقَرِيا لا مَسَلِيانِيئا دِغَبِنِي وِما دَرَحِمِي. زانَ
 بَدَم لَگِياه باَمِينوئا وَطَلبوخ مِناه كوَديوم وِبَش كَبِيرا بِيوماثا
 دَعِيدوئا دِياه بَرِيخِي دَطَلبا طالان مَن بَرونا عَزِيزا عَوَنكاروئا
 وِخِلاص تا گَيِناثا دِيلاي طَرِيدِي بَمَطَهَر وِتانوخ آذِي صلوثا
 حَلِيئا لِيالي دَمَرِيَم وَمَر طِيما تا گَيِناثا دمَطَهَر: يا لَبَا دَمَرِيَم حَلوِيا
 هوي خِلاص دِيئي *

قِصتا

كَمخابِرَن قَدِيشا پَطروس دَميانوس اِلْد خَزِيئا دِخا پَرِصوِيا
 دِنِپَقَلِي مَن مَطَهَر وَاذِي پَرِصوِيا مَثَبَتوا دَمَرِيَم بَثولتا بِيوما رابا
 دَايِدا دِشوناياه مَخولِصلا بَشفاعا دِياه گَيِناثا دِكزايِد مِنيانا دِيياهي
 اِلْد مِنيانا دَعَمارِي دَروميَّا. وِكَمِيذِيلان هَم اِلْد خا كَهنا شِمِي
 يوَحَنَن باَتَرِيزِي دِمخولِصلي مَن عوذابِي قَشِيي وَحَشِي مَرِيرِي
 بَشفاعا دَمَلَكْثا دِشَمِيا مَن سَبَب حَنِينوئي اِلْد گَيِناثا دمَطَهَر
 وِعودوئي تا مَرِيَم بَثولتا *

مَقْصَادِي

كَطَلَبِن مَن مَرْت مَرِيَم وِمَشپَلِن مِناه گَاهاَثا كَبِيرِي تا نِيخوئا
 دِگَيِناثا دِيلاي مَعذوبِي بَمَطَهَر *

آوون دوشمیا .. وشلاملیخ مَریم .. ومن عومقا قریئاخ *

صلوئا: یا لبا دمَریم حلویا هوی خلاص دیئی *

یوما دتشنا وِاسری

تَحَمَلتا اِلْد شوحا دآلاها

کما گهائا گدشتیلا اِلان کِمَحیفوخ کود لا کهاویبن داودوخ خا
مندی تا شَبوحی دآلاها شوحا لشمیه دیخ دکبِوخ وکمشاوخ، لکن لا
ناشوخ دیلی خا شولا بَرایا وسانای طالان دِمَشَبوخ آلاها. بگو
شَدورن لشمیا. گینائا دکبِی دِمیقَری ایشوع مریا دیخ دِکَلزما، ویا تا
آدی پِصخوئا وطوئاوئا وماقدرا بَد هاوخ طوئانی کود هاویبن
دأمروخ بَعَدانا دماوئن: بَشَمیا ایت گینائا دیوخ عینیهی بَقْلولا وهولای
خَدروانی دکورسی دَعلویا مَبروخی وِمشَبوحی طالی. وِبیدیلی مَخولی
دِکپینی وِملووشی دشولخایی وِزیارا دِمیوسری مندانی قبیلی لگبید
آلاها. ماقدرا بَش کبیرا بَد هاوی قبیلا لگیبی عواذا دیلا غایا دیی
مَقرووی دشوحا طالی کود اَخنی مَقفلوی عواذابی قِشیی دِکطَانیلا
گینائا مِسکینی. باو حِبِس خَشوکا وَاهو مبارخِلاي اِلْد طوئاوئا
اَبَدینايتا، تاما تَد بَسْمی بَخزِئا دیی آلاهايتا هِل اَبَد *

قِصَتَا

كِمخَابِيرَن أَلْد بَابَا مُونُورَا كَثُولِي بَعْدَانَا دَمَوْتِي خَذَا وَرَاقَا
كِبَارِشِ بَغَاوَا تَا كِينَاثَا دَمَطَهَرِ كَل قُودَاشِي وَعَوَازِي دِتِيَاوُوثَا وَصِلَاوُوثَا
دِپِيشِي مَوْقِرُوي لَنِيْتِي وَكَل حُوسَايِي دِپِيشِي مَحُوصَلِي مَبْدَالِي،
وَأَذْ خَلِيْتَا كَقَارُوْخَلَا عَوَاذَا رَابَا دَحُوبَا إِمْد كِينَاثَا دَمَطَهَرِ، مِّن
پَرِصُوي زَدَائِي مِّنْ أَلَاهَا مَرَّ عَوْدُوثَا رُوحَانِيْتَا كُوزِي آذِي مَندي
بِمِصْعَايُوثَا دَمَرِيْمَ بَثُولْتَا طُوَوَانِيْتَا، وَمَارَن پَاپَا بَانْدِيكْتُوس (13)
مُؤْتَرَالِي آذِي عَوْدُوثَا بَحُوسَايِي كَبِيرِي وَبَاثَرُ دِيخ مَارَن پَاپَا پِيُوس
(9) موزدلی إلاه حَكَمَا حوسايی خنی *

مَقْصَادِي

كَقْصَدِن شَبُوحِي دَاآلَاهَا بَصْلُوثَا دِيئِي مَبْدَل كِينَاثَا دَمَطَهَرِ *
آوون دُوشَمِيَا .. وَشَلَامَلِيخ مَرِيْمَ .. وَمِنْ عَوْمَقَا قَرِيْنَاخ *
صَلُوثَا: هَاوِي بِيئِيَا بَكَل دُوكَانِي لَبَا دِيْشُوع قَدِيْشَا *

يوما دتلائي

تَحْمَلتا اِلْدَ طَاواثا دِكِنائِنا دَمَطَهَر

دلا شڪ طاواثا قمايى دِكْطَلْبِيلاي گِينائا دَمَطَهَر مِّن رَحْمى
دألاها دلاتا حَدْ تا اَنى دِپِئْخَلاي قامِيهي تَرعا دِپَرْدِيسا. ولا كَبْطلي
مطالبا مَبْدَلايِهي كل عِدانا. دِكْدَأَلِيلاي بخا دَرَك يَن بخا عَوَقانا يَن
بخدا سَنِيقوْثا، وِكنَطْرِيلاي بکل اَمِينوْثا بَعَوَقانى وِكورْهانى، وِبحال
دَمِسْكِنوْثا كَوْلانايتا، وِبعِدانا دَهْجَجِيائا وِگَدِشَى مَشوْخَلِي، وِغِيْرَتا
دِيْبايِهي كَزِيْدا مَوْجِب رِيوْثا دِسَنِيقوْثا، دَاوا دِكِيوْذ اِمِيْهي طاوْثا
وِكوْذِيلى دِغَالِب لَنْجَرِيات وِدمَحاصِل طَاواثا دِقْرِيْشَى، وِكَعِينِيلى بَعِدانا
دماوْثا، وِكَمَخْلَصِيلى مِّن عَوْذابى دَخْرْثا، وِان حَشُوْخْ خا مِندِي دِيلى
لا بَرِايا دَانى گِينائا كِناشَى اُوادى دَطوْثا اِمِيْهي، رَحْمى دَألاها دلاتا
حَدْ اَنى بَغِيْنايِهي بَثْخَرِيلاي وِيدِ پَرْتِيلاي، وِمازَن ايشوع مَشِيْحا شوْحا
تا شَمى هولى مقولا بَگو طوْوا لِمَرْحمانى اِلايِهي بَدِ هَوِيا رَحْمى.
وِگَلو ما تَرَز بَدِ هاوِي اَنى رَحْمى دِيْهولاي تا اَنى دِمَشْخَلِي مِنى تا
عِيانا دَبِيئى وِگوبى *

قِصْتا

كِمخابِرَن بارونبوس كَرْدِينالا اِلْدَ خا گُورا زَداءِ مِّن اَلاها
قِملاي اِلى سَطانى بَگو عِدانا دَموْثى، وِاُوْذلاي اِمى خِدا شَرى قوِيْثا،
وِكوْد اهو باذ حال پِئْخَلَا شَمِيا وِأَلِپايى دِمَحْمِيانى مقولَقِلاي تَدِ عِينِيلى

وَمَثَبْتِيَا طَالِي نِيَشَن دِغَالِيوِثَا، وِپِشَلِي مَحورِكَا تَا آذِي حِمَايَا مَعوجَبْتَا
وِطَلْبَلِي مِّن عِيَانِي دِيِي هَم دَلَا كِيثِي لِخَزَايَا تَد أَمْرِي طَالِي مِّن
أِيَلَاي: كِمَجَوِبَلِي: أَخْنِي أَنِي كِيَنَاثَايُوخ دِبْگُو مِصْعَايُوثُوخ خِلْصَلَان
مِن مَطَهَر، وَدَهَا هُوَلِي نِيَلَان لَگِييُوخ دِبْرُوخَلُوخ إِدْ طُوْتَا دِيُوخ وَزُوْرَا
دِيُوخ طَالَان دِمَطِيَلِي خَا رِيشَا لِشَمِيَا وَكُوْد شَمِيَلِي كَرِيهَا آذِي مَحَكِيَا
مَسُوِبِيَلِي رُوْحِي وَنِيَشَانِي دِگْخَا إِدْ صُوْرَتِي وَلَبِي بِطْرَايَا مِّن
بِصْخُوْتَا*

مَقْصَادِي

بَلْخَن كُوْدِيَوْم تَا عِيَانَا كِيَنَاثَا دِمَطَهَر *

أُوون دُوَشَمِيَا .. وَشَلَامَلِيخ مَرِيْم .. وَمِن عُوْمَقَا قَرِيثَاخ *

صَلُوْتَا: يَا لَبَا دِيَشُوْع حَلُوِيَا هُوِي حُوِيَا دِيِي، يَا لَبَا دَمَرِيْم

حَلُوِيَا هُوِي خَلَاص دِيِي *

صَلُوْتَا

تَخُوْر يَا بَثُوْلَتَا مَرَحْمَنِيَا دَلَا پِشَلِي شَمِيْنَا قَطْ دَكَل أُوَا دِيَلِي
لَجِيَا لَحْمَايَا دِيَاخ وَطَلِيْبَا شَفَاعَا دِيَاخ وَدَثِيْرِي سَبِيْقَا. إِدْ آذِي تِكَلُوْنَا
قَصِدَلِي لَگِيِيخ يَا بَثُوْلَتَا دِبَثُوْلَاتَا يَمِي وَكِمَحَلَقِن كِيَانِي لَايَدَاثَا دِيَاخ وَأَنَا
بِبْخَايَا إِدْ مَنْدِي دِگْدِشَلِي مَنِي مِّن حَطَاهِي وَنُوْقَصْنُوَاتَا. يَا يَمَّا دَتَانِيَا

آلاهاتا، لا مَسَلِيتَ مَطَلَباتِ دِيئي إِلا شمولي وصوٲ لقالِي بَحْنِوِثا
دِيآخ آمين *

صلوٲا دَشَبَلاتا مِن مَرِيَمَ بَثولتا تا عَنِيذِي دَمَطَهَر

** يا آلاهِي، يا حَنينِ مِراجِمِ لِكَيِناٲا دِيلايِ اُديوِ يَوما
مَعَذوبِي بَمَطَهَرِ تاما دِيلايِ پِراءِ نوقِصَنواٲا دِيآيِهيِ بنورا اُخلو
دِكَمَرِئالاِيِ بَقِشِوِثا رِباٲا.

كِناٲا: يا يَمّا دآالاها مِصالايِ مَبَدالاِيِهيِ.

** مِن سَبَبِ مِئِخِ نِيقَلِي نَبِوءِ دَمَدَوفِيِ خَطِياٲا وِگِناهِِيِ.
بِگاوِيِيِ كِولايِ حَطايِيِ كَنَدَفِيِ. پِشِوٲ اِيذا دَعَوَن تا اَنِي مِسكِينِيِ
دِيلايِ مِسوِيِيِ لآنيِ عِوذايِيِ دِلاٲِيِ خِلاصَناٲا.

كِناٲا: يا يَمّا دآالاها مِصالايِ مَبَدالاِيِهيِ.

** يا بَثولتا مَرَحَمَنيٲا لِكَيِخِ كَمِپِئَلِيِ اِنيِ دِيآيِهيِ وِكِمِشاهِِيِ
دِپِيشِيِ مِخولِصِيِ مِنِ عِوذايِيِهيِ وِدَبِسمِيِ اِمآيِهيِ بَطوٲانِوٲا اَبَدِيناِيتا.
كِناٲا: يا يَمّا دآالاها مِصالايِ مَبَدالاِيِهيِ.

** يا قَذِيلَا دِداوِيذِ دِكِپائِخِ تَرَعِيِ دِشَمِيا مِعَمِرا دِشِوِخِ عِلويا
نِخوٲ وِمَبَخِشِ طالاِيِهيِ تَرعا دِشَمِيا. تَد اُوريِ بِكلِ اُمِينِوٲا وِشِلاما.
اُوفِ يا مَرِيَمَ موِيقِلايِ مِنِ دآاذِيِ حِيسِ مَزَدآانا.

كِناٲا: يا يَمّا دآالاها مِصالايِ مَبَدالاِيِهيِ.

** اِيَتِ اِيوَتِ دوْمِيا طاوَا وِمَرِخِشاَنِياٲا دَانِ دِكِتْكَليِ اِلاخِ.
اِيَتِ اِيوَتِ اُورِخا دِخِلاصِ لِحِوذايا تا اَنِي دِكِطَلْبِيِ دِپِيشِيِ سِتِيريِ خو

سِترى دِيَاخ. هَيو وِطلوب دلا بطالا مَبَدَل گِينَاثا دمِيشى مهوِمنى مِ
بروناخ عَزِيزا.

کِنشا: يا يِمَا دَآلاها مصالاي مَبَدالايهي.

** اَيَمَن دِپِيشي كَشِيفى عواذى دِيان بيشى بِيوما ددينا
گاوانايا مَرَدَآنا مَشِپَل مَبَدالان مِ بروناخ اَيحِيزايا تَد ياولان نَصِيب
اِمَد يَرَتوِثا دَقَدِيشى.

کِنشا: يا يِمَا دَآلاها مصالاي مَبَدالايهي.

** يا مَهوِيانِيشا وِبراتا دَآلاها بَخَذادى ديوات عليثا بَشوِحا
لئيل مكل بريثا شود هاوِي رَحْمى دِيَاخ بدايِموِثا سولايا تا گِينَاثا
دَمَطَهَر.

کِنشا: يا يِمَا دَآلاها مصالاي مَبَدالايهي.

** صوِث لَشِپَلِپِياثا دِييايهي وِشود محارِك لِباخ تا حَشى
دِيايهي بَحَنِوِثا وِمَرَحمانوِثا وِمَقرو تا آلاها شَقالا دَطول جِرْحى
دِبروِئِخ يكانا وَاذى خَزِينتا بَد پَرءا عوِذاييهي.

کِنشا: يا يِمَا دَآلاها مصالاي مَبَدالايهي.

** يا يِمَا دَنَعْمى مَرَجى تا كَنشى روِحانايي مِيتَرَاثا دِعواذى
دِيايهي وِمَبَر لَكوِئَن دِبرَخى مَحِكِيانى اَن دِيلاي تِهِي باوِرْخاِثا لا
عَدولى، وِمدَأر لهِيمانوِثا شَريرتا لَأَن دِيلاي بيشى. وِمَثِبَت لَطاوى
وِمحايِذلان كوِلان بُوِساما دَمَلكوِثا.

کِنشا: يا يِمَا دَآلاها مصالاي مَبَدالايهي.

* * مصالاي مبدالان ومبدل ميثى دمهويمنى يا مهوينثا

دألاها قديشتا تا خاتر دهاوخ خاشيخ لقاولى دمارن ايشوع مشيحا.

كنشا: يا يما دألاها مصالاي مبدالايهي

شود نيخي بسلاما *

ونوهروخ باهر اإايهي بدايموثا آمين *

ملاخا دمريا ... *

شوحا لاوا ... *

من عالم ... *

باعوثا دعنيدي دمطهر

كريا اليسون ... كريستيا اليسون (2)

يا مارن ايشوع مشيحا مراجم إلان

يا مارن ايشوع مشيحا مراجم إلان

يا مريم برتد بابا ازلي مصالاي مبدالان

يا مريم يما دمخلصانا دبيناشا مصالاي مبدالان

يا مريم هيكلادروحا دقوذشا مصالاي مبدالان

يا مريم دكمگاويلاخ ألاها من ازليوئا عون گيناثا دمطهر

يا مريم دنوبيلي إلاخ نوپيا عون گيناثا دمطهر

يا مريم شمشا دكينوئا عون گيناثا دمطهر

يا مَرِيَمَ دِيشلاه نطيرتا مِّن لَوطِثا دِخِشِخلى طالاه كِنِسا ناشايا
عون گَيِناثا دَمَطَهَر

يا مَرِيَمَ خَلِصتا مِّن خَطِيئِتا أَصَلِيتا عون گَيِناثا دَمَطَهَر

يا مَرِيَمَ دِلا كِمغالبِلا سَطانِا عون گَيِناثا دَمَطَهَر

يا مَرِيَمَ مَلِيئِتا نَعَمى عون گَيِناثا دَمَطَهَر

يا مَرِيَمَ نَدِيفتا بِش مَكولاي بَثولِثا عون گَيِناثا دَمَطَهَر

يا مَرِيَمَ دوما دِهيمانوِثا وموكاخا عون گَيِناثا دَمَطَهَر

يا مَرِيَمَ قَدِيشتا بِش مَكولاي كَلِثا عون گَيِناثا دَمَطَهَر

يا مَرِيَمَ روشما دخايي كِسِيي عون گَيِناثا دَمَطَهَر

يا مَرِيَمَ صورتا دِطاعا عون گَيِناثا دَمَطَهَر

يا مَرِيَمَ طوسا دَسپويي عَجبونا تا ألاها عون گَيِناثا دَمَطَهَر

يا مَرِيَمَ مَرى دَكولاي مِيتراِثا عون گَيِناثا دَمَطَهَر

يا مَرِيَمَ شوِحا دِناشوِثا عون گَيِناثا دَمَطَهَر

يا مَرِيَمَ خاشيخ دكل ايقارا عون گَيِناثا دَمَطَهَر

يا مَرِيَمَ دِدرِلى شلاما اِلاه ملاخا گُورِئِئِل عون گَيِناثا دَمَطَهَر

يا مَرِيَمَ مَبورِختا بِنِبي كولاي اِنِشى عون گَيِناثا دَمَطَهَر

يا مَرِيَمَ دِولاي طالِاخ طووا كولاي بَنِيشا عون گَيِناثا دَمَطَهَر

يا مَرِيَمَ دِبگاوخ شَقلى تَنِيثا پَغرِن عون گَيِناثا دَمَطَهَر

يا مَرِيَمَ دِطِعلى اِلاخ ألاها عون گَيِناثا دَمَطَهَر

يا مَرِيَمَ دِمورِقلاخ طِفلا مِّن حِمِثا دِهيرودِس عون گَيِناثا دَمَطَهَر

يا مَرِيَمَ شَرِيكتا دِمخَلِصانا دَعَلما بَحِشا دِئى عون گَيِناثا دَمَطَهَر

يا مَرِيَمَ دِتبِئِلاخ اِيشوع لِگاغولِثا عون گَيِناثا دَمَطَهَر

يا مَرِيَمَ دَبُوِيحِلَاخ بَرُونَاخ تَا خَلَاص دِيَانِ عُونِ كِيْنَاثَا دَمَطَهَر
 يا مَرِيَمَ دِبِشَلِي خَرِيْزَا لِيَاخ بَسِيْيَا دِكِيُوِي عُونِ كِيْنَاثَا دَمَطَهَر
 يا مَرِيَمَ دِهَوَلِي طَا لَاخ اَيْشُوْع اَشُوْحَا دِيِيِي عُونِ كِيْنَاثَا دَمَطَهَر
 يا مَرِيَمَ دِيُوْت تُوْتَا لِكُوْرَسِي بَقْرِيُوُوْتَا دِيَشُوْع عُونِ كِيْنَاثَا دَمَطَهَر
 يا مَرِيَمَ دَلَا مَسُوْلَطَلَا اِلَاخ فَسَاَدُوُوْتَا دَقُوْرَا عُونِ كِيْنَاثَا دَمَطَهَر
 يا مَرِيَمَ شُوْلَطَانِيْنَا دَمَلَاخِي عُونِ كِيْنَاثَا دَمَطَهَر
 يا مَرِيَمَ شُوْلَطَانِيْنَا دَكُوْلَايِي قَدِيْشِي عُونِ كِيْنَاثَا دَمَطَهَر
 يا مَرِيَمَ شُوْلَطَانِيْنَا دِشَمِيَا وَدَاْرَا عُونِ كِيْنَاثَا دَمَطَهَر
 يا مَرِيَمَ مَرْدَانِيْنَا دَسَطَانِي عُونِ كِيْنَاثَا دَمَطَهَر
 يا مَرِيَمَ مَكَلَانِيْنَا دَكُوْبِي عُونِ كِيْنَاثَا دَمَطَهَر
 يا مَرِيَمَ مِيْلَانِيْنَا دَطَاوَاثَا اَلَاهَايَاثَا عُونِ كِيْنَاثَا دَمَطَهَر
 يا مَرِيَمَ رَهُوْنَا دَخَلَاص تَا اَنِي دِكْقَارِيَاخ عُونِ كِيْنَاثَا دَمَطَهَر
 يا مَرِيَمَ نَاقِحِي دِشَلَامَا بِيْنِي اَلَاهَا وَبِيْنَاشَا عُونِ كِيْنَاثَا دَمَطَهَر
 يا مَرِيَمَ وَكِيْلَتَا دَنصِيْب دِيَانِ عُونِ كِيْنَاثَا دَمَطَهَر
 يا مَرِيَمَ نَبُوَا دَخَايِي عُونِ كِيْنَاثَا دَمَطَهَر
 يا مَرِيَمَ نَرَا دِشَمِيَا عُونِ كِيْنَاثَا دَمَطَهَر
 يا مَرِيَمَ دِكَمْخُوِي شِمَاخ طَالَانِ تِكَلُوْنَا عُونِ كِيْنَاثَا دَمَطَهَر
 يا مَرِيَمَ دِكَمْبَرَا اَيْدِخْ بَدَايْمُوُوْتَا عُونِ كِيْنَاثَا دَمَطَهَر
 يا مَرِيَمَ صُوْرَتَا دَلِيْبَا دِيَشُوْع عُونِ كِيْنَاثَا دَمَطَهَر
 يا بَثُوْلَتَا مَرْحَمْنِيْنَا عُونِ كِيْنَاثَا دَمَطَهَر
 يا مَدْبِرَانِيْنَا دِتْعِيْشِي عُونِ كِيْنَاثَا دَمَطَهَر
 يا خِيْلَا دِمَحِيْلِي عُونِ كِيْنَاثَا دَمَطَهَر

عون گيناڻا دمڙهر	يا مسليانيڻا دحشاني
عون گيناڻا دمڙهر	يا مدبرانيڻا تا آني دڪطلي ايشوع
عون گيناڻا دمڙهر	يا محميناڻا ديٽومي
عون گيناڻا دمڙهر	يا اسڪالا دغريقي
عون گيناڻا دمڙهر	يا بيت گوسا دحطايي
عون گيناڻا دمڙهر	يا عون دمايوڻي
عون گيناڻا دمڙهر	يا اُمود دائي دڪطني اُمود دياهي
عون گيناڻا دمڙهر	يا مريم دڪخيرت الان بسنيقواڻن
عون گيناڻا دمڙهر	يا مريم دلا كمسليت چو ناشا
عون گيناڻا دمڙهر	يا مريم دڪشماٽ تا كل آوا دقاريلاخ
عون گيناڻا دمڙهر	يا مريم شليحتا دشميا
عون گيناڻا دمڙهر	يا مريم گوخوا دياما
عون گيناڻا دمڙهر	يا مريم محميناڻا ديآن
عون گيناڻا دمڙهر	يا مريم اُمود ديآن
عون گيناڻا دمڙهر	يا مريم يما ديآن
عون گيناڻا دمڙهر	يا ملڪڻا دگيناڻا دمڙهر

يا برخا دالاها... محاسي لگيناڻا دمڙهر

يا برخا دالاها... مجاوب لصلوڻن تا گيناڻا دمڙهر

يا برخا دالاها... حون لگيناڻا دمڙهر

ڪريالائيسون ... ڪريستيا لائيسون

صلوٲا

يا آلاها برآيا ومخلصانا دعلما محاسي خطيآا دعودي
وآدامي ديوخ آني دكناشيلاي بنيآاشا بمهميانوآا بمطهر؁ كمشپلپوخ
منوخ ديوت طالايهي آلاص آبدينايا دكمشاهيلي. يا آلاها لا مقصت
إلا إيمن دپيشت غصيبا من كينوآا ديوخ وأو مندي ديقذنن بگاوي
دمسالوخ مبدالايهي. نخوآ وپنوخ ترى دشميآا تا گيناآا ديلاي
مشونيي من دآدي علما ومببخيش بگاويهي نيخوآا وطوآانوآا آبدينيآا.
كطلبوخ منوخ بمصعايوآا ديما ديوخ نديفتا ودكولاي قديشي؁ آمين *

آوآاما

آلصلي يرآا دعنيدي؁
ودكولاي مهوپمني عميذي؁
وشوآا تا آلاها بابا وآا برونا مقروخ آوبا؁
وآا روآا شكر مكل لبا؁
وآا تليآايوآا مقرووخ آوبا *

پشلی طویعا بکومپیوٹر وموقلبا لگرشونی عربی بایدا دمحیلا
شماشاه عبدالله بر هرمرز بر ججو من بیث نوفلی بیقوپنایا بشاتا
2004 لمارن بیوماثا دمارن پاپا یوحنن بولس تریانا، وبان باطیرکا
عمانوئیل دللی تلیثایا، بگو بغداد مذیتا بریختا مریا حاین الاله برحمی
دیوی ومشری بگواوه شینا وشلاما این وامین * کطلین من مریا
دمخالصلی من عودابا دمطهر آمین *

آدی کثاوا کمقلبللی من لسانا عربایا لسوادایا قاشا ابلحد بر
توما عودیش ألقوشایا بشاتا 1929 لمارن بیرخا دآب 10 بگای *

کٲاوا دیرخا دعنیذی دمٲهر



طویعا بکومپیوتر وبگرشونی

بأیدا دشماشاشا

عبداللہ ہرمز ججو النوفلی

2004

